



Pagina 5

“Reforma fiscal
comprensivo ta keda
e prioridad principal
di e proximo
gobierno”

Dialuna 22 di Juli 2024 www.bondia.com Email: noticia@bondia.com Tel: 582-7800 Fax: 582-7044 1,75 Florin

ABC Foundation ta reporta caso di shoconan perhudica



Pagina 4

- **Mester clarificacion
riba legalidad di
cobra pa registro
comercial online di
KvK**

Pagina 3

- **Rycondo
Nascimento: Caso
Avestruz y e amor
secreto entre Benny y
Marisol**

Pagina 6

- **CBS: Durante luna di
juni, siete sector a
registra caida di prijs**

Pagina 2

Biden ta retira di eleccion 2024



Pagina 23

Violencia politico birando mas y mas aceptable na Europa



Pagina 9

Aruba ta titula campeon di Serie del Caribe



Pagina 12



LUXURY
WAGON
Giveaway

APRIL 12 - NOVEMBER 22, 2024

THE CASINO AT
THE RITZ-CARLTON
ARUBA

THE CASINO AT
ST REGIS
ARUBA

Dia 25 di juli toren di Palm Beach lo tin un diseño unico di artista Paul Wong

Paul Wong ta e artista en-carga di pone su toke creativo riba e plataforma ubica na Palm Beach, cual sigur lo bira un punto di atraccion tanto pa hende local como turista proximamente, un trabao di remodelacion cu a cuminsa na 2018 conhuntamente cu Riu Hotel.

Enfoca riba embeyecemento di diferente luganan di Aruba, minister di Turismo y Salud Dangui Oduber a anuncia na december di 2022 un proyecto turistico nobo cu lo tin un impacto grandi tanto pa hende local como pa turistanan.

Ta trata di e plataforma cu ta dilanti di Riu Hotel unda cu minister Oduber a señala cu na aña 2018 nan a acerca e hotel aki pa yuda cofinancia e drechamento di e toren di e plataforma e tempo ey. E hotel Riu a bay di acuerdo pa financia e mita di e proyecto aki, pero a nota cu “den ultimo añanan debi na mal tempo y debi na tur loke tabata pasando den nos naturalesa y den nos awanan e platform aki a wordo afecta severamente, casi el a wordo kibra completamente y nos a haya necesario como Ministerio di Turismo y Aruba Tourism Authority pa percura pa

busca e fondonan necesario pa por financia e drechamento di e platform aki”, el a señala.

Siguietemente, na october di 2023 a trabaonan di remodelacion a keda cla y a cuminsa cu e buskeda di artistanan local pa forma parti di e proyecto aki denomina ‘Palm Beach Art project.’ Anteriormente e

plataforma tabatin e bandera di Aruba y turistanan ta haci uso di dje pa saca potretnan y publica nan riba social media y esey tambe ta e motibo di pakico nan ta haci un yamada na artistanan local pa participa den e request of proposal (RFP) pa asina nan por haya un idea of pensamiento di kico mester pone den e toren pa bira

un atraccion turistico back den area di Palm Beach.

Pa e motibo ey, a restringi e acceso pa un periodo di 8 dia, y finalmente 25 di juli awor comunidad di Aruba y publico en general ta bay aprecia e talento di e artista local caminda ayera mes minister Oduber a muestra un potret di e trabaonan y e

pintura cu e toren aki ta bay tin.

“Turismo ta keda e driver di nos economia y p’esey ta sumamente importante pa nos keda inverti den producto Aruba. Minister Oduber ta sigui percura pa drecha y embeyece diferente areanan riba nos isla. Aruba ta di nos ban conserv’e,” e mandatario ta comenta.



CBS: Durante luna di juni, siete sector a registra caida di prijs

Oficina Central di Estadística ta presenta e resultadonan principal di e Índice di Prijs di Consumo (CPI) pa luna di Juni 2024.

E CPI pa luna di Juni 2024 ta 108.72, loke ta representa un caida di 0.6% compara cu e indice di Mei 2024 (109.41).

E cambio di e CPI pa e ultimo diesdos (12) lunanan (Juni 2023 te cu Juni 2024) ta 2.4%, un caida di 0.4 punto





di porcentahe (ppt) compara cu e periodo correspondiente di aña pasa (2.8%).

E promedio anual (ultimo 24 luna) di e tasa di inflacion pa

e periodonan di Juni 2021 te cu Juni 2022 y Juni 2023 te cu Juni 2024 ta 1.7%, un caida di 4.2 ppt compara cu e 5.9% registra den e periodonan di Juni 2020 te cu Juni 2021 y Juni 2022 te cu Juni 2023.

Durante e luna aki, shete (7) di e diesdos (12) sectornan a registra caida di prijs. E caidan cu tabatin e mayor efecto riba e CPI a wordo registra pa e sectornan di “Transporte” (-2.6%) y “Mobilierio”



(-2.5%), causando un efecto di respectivamente, -0.35 y -0.21 ppt. E caidan den e sectornan restante a contribui cu un efecto di -0.19 ppt riba e CPI di Juni 2024.

E caidan aki a wordo contraresta parcialmente door di principalmente un aumento den e indice di e sector di “Comunicacion” (0.9%) cu a contribui cu un efecto di 0.07 ppt riba e CPI di Juni 2024. E aumentonan den e sectornan restante a contribui cu un efecto di 0.04 ppt riba e CPI di Juni 2024.

E caida den e sector di “Trans-

porte” a wordo causa principalmente door di un caida di 2.9% den e categoria “Gasto relaciona cu uso di vehiculo di transporte personal”, causando un efecto di -0.25 ppt. E caida den e sector di “Mobilierio” a wordo causa principalmente door di un caida di 4.6% den e categoria “Aparato pa uso domestico”, causando un efecto di -0.10 ppt.

E aumento den e sector di “Comunicacion” a wordo causa door di un aumento den e categoria “Ekipo di telefon y fax” (24.5%), causando un efecto di 0.07 ppt.

Mester clarificacion riba legalidad di cobra pa registro comercial online di KvK

E discusion di cobramen- to pa usuarionan di Kam- er van Koophandel en In- dustrie Aruba (KvK) cu si tin base legal of no ta per- manece, caminda siman pasa minister encarga cu Asuntonan Economico Geoffrey Wever a manda un comunicado pa infor- ma tocante un reunion cu el a tene cu e organismo aki.

Den comunicado, ta men- ciona cu cada seis siman KvK ta reuni cu minister Wever pa discuti strategia riba dife- rente topico y pa haci pal- abracionnan cu ta na fabor di e comercio na Aruba.

Sinembargo, tabata di spera mas informacion tocante un topico cu for di algun siman atras ta bin halando atencion di comunidad pa loke ta trata si cobramiento pa usuarionan tin base legal of no y ki pa- sonan ta bay tuma en cuanto esaki.

KvK a anuncia recientemente restriccion di acceso publico na e registro comercial on- line, y a introduci un mod- elo di “pay-to-play”, a base di abonado. A introduci un estructura di tarifa cu un pago di Afl. 1,200 pa aña of Afl. 300,- pa kwartaal, pa acceso online na e registro comer- cial.

Segun e documento cu e bureau di minister a manda, den reunion cu KvK a papia di diferente tema y proyecto cu minister Wever a bin re- alizando hunto cu otro part- ners, como por ehemplo ATIA Trade Mission pa Pan- ama, plan di revitalisacion di San Nicolas y Oranjestad y e cobramiento di KvK.

“Den e reunion aki nos tabata tin e oportunidad pa inter- cambia di idea over e topi- conan aki. Mi ta considera KvK un partner valioso di nos ministerio, y nan input, con- sehonan y preocupacionnan semper a wordo tuma den consideracion. Un econo- mia no por florece si no ta pa e forza di sector priva y pa e motibo ey dialogo continuo cu sector priva ta sumamente importante,” segun minister Wever.

Bon Dia Aruba a tuma con- tacto cu minister Wever riba e tema aki, pero no a logra haya un contesta di su parti.



Mientras tanto, e preguntan- an pa minister ta keda: KvK por restringi acceso online pa publico na e registro online?

Talvez esaki ta yama un siguiente pregunta: KvK tin e base legal pa impone un tarifa anual di Afl. 1,200,- pa aña o Afl. 300,- pa kwartaal?

Si e contesta pa e segundo pregunta ta no, e ora e con- testa pa e prome pregunta ta bira irrelevante, te ora crea un base legal.

Na luna di juni, Bon Dia Aruba a publica un articulo extenso di Mr. Delo Gomez e cual a publica riba su Linke- dIn y ta ilustra lo siguiente: “Pagando e prijs? Cobran- zanan di Camara di Comer- cio ta surpasa limite legal?”

“Institucion publico ta e fun- damento di un sociedad cu ta funciona. Nan ta actua como ‘watchdog’ pa mantene ley, provee cierto servicio esen- cial, y hopi biaha ta actua pa proteha derecho di ciudada- no.

“Sin embargo, ora e institu- cionnan aki desvia di cuadro legal, esaki ta mina confianza publico y ta perhudica man- tencion di ley.

“Un asunto reciente cu Ca- mara di Comercio (KvK) encuan- to cobro pa acceso online pa Registro Comercial

y algun cobro adicional pa cierto servicio ta ehemplo di e problema aki.

Aki ta explora e complehidad alrededor di e problemanan aki, ta haci escrutinio encuan- to e requisitonan estatutario pa un base legal adecua, ta subraya e importancia di adherencia na requisito estatutario y ta provee algun sug- erencia pa pasonan necesario pa un solucion.

“Mientras a atende e preo- cupacion y analisis legal cu Camara di Comercio, e dis- cusion aki no mester ta tras di porta cera.

E base legal aki ta cu Camara di Comercio ta un entidad publico, estableci a base di e Ordenanza Nacional encuan- to Camara di Comercio. Mientras un di obhetivonan di e Camara ta pa duna proteccion na interes di empresa priva, e Camara mes no ta un compania priva y no por ac- tua di e mesun manera agil cu talvez un negoshi priva den un mercado habri por. KvK mester sigui e reglanan gen- eral, estableci pa legislacion aplicable.”

Un aspecto ta cu KvK ta mara na impone pago y col- ecta placa, cu ta rekeri un base legal claro. KvK por co- bra publico, cu un base le- gal specifico. “Mi ta kere cu KvK ta carece di e autoridad

legal pa cobra e tasa anual di Afl. 1,200 pa aña o Afl. 300 pa kwartaal pa acceso online,” el a sigura.

“Den mi discusion cu KvK, y mi ta contento cu nos por tin e discusionnan aki, KvK a referi na articulo 13, inciso 1 e, di e Ordenanza encuan- to KvK pa hustifica provee un servicio adicional y cobra anto tarifa mas halto. Sin embargo, e argumento aki ta problem- atico pa varios motibo.

Pa cuminsa, no ta claro pa- kico por cobra un tarifa mas halto bao di articulo 13, in- ciso 1 e, si articulo 19 di Han- delsregisterbesluit ta limita e tarifa na Afl. 15.

Retribucion, manera men- ciona den articulo 13 inciso 1 e, por cobra solamente basa riba LV Retributies (Orde- nanza encuan- to Retribucion) y un lbham specifico. No tin un lbham pa KvK, cu ta pro- vee un base legal pa tal co- branza.”

Na luna di juni tambe KvK a reaccion riba e punto aki mediante un conferencia di prensa, caminda nan a splica e motibonan di a tuma e de- cision di cobramiento pa con- sulta di registro comercial online, especificamente e di- rector ehecutivo di e organ- ismo Martijn Balkestein.

E registro comercial online aki ta un servicio adicional cu KvK ta duna y no ta un ob- ligacion pa ley, nan a hacie- l’e pa comunidad por tin un ser- vicio mas comodo pa haya datonan y nan ta considera esey hopi importante, ademas ta un sistema cu ta funciona banda di e registro di papel cu nan tin unda tur persona por solicita esey di manera gratis na KvK.

Pero nan a realisa cu e gas- tonan cu nan tin ta halto y

esey ta nifica cu e cobranza aki ta bay pa mantencion di e sistema digital “aunke cu e gastonan cu nos tabatin ta halto pa motibo cu e sistema cu nos a bin ta costa un par di miyon florin, pa mantene esey ta costa nos 300,000 flo- rin pa aña, pero aunke e gas- tonan ta halto KvK no a subi e tarifa di su productonan des- de 2009 cu na e momento ey tabatin un inflacion di 21%.” Balkestein a señala cu ta im- portante pa hende mester re- alisa cu KvK ta un compania Sui Generes, loke ta nifica cu nan mes mester genera nan entrada y nan no ta un de- partamento di gobierno, ni ta haya subsidio, e contribucion anual cu companianan ta paga mas e benta di uittreksels, ta e entrada principal di KvK.

Costonan di operacion di KvK a subi door di inflacion pero tambe door cu nan kier a brinda un servicio adicio- nal pa tur hende y p’esey nan a cuminsa cobra un fee pa e registro online riba nan web- site, ademas a trece dilanti cu ta un paso necesario pa por proteha e datonan y mantene e sistema sostenibel y du- radero manera Balkestein a enfatisa.

A pesar cu e no ta un obliga- cion legal di KvK ta ofrece traduccionnan di uittrek- sels, cu e fin pa facilita esey na comunidad. Sinembargo, esaki ta un servicio adicional cu tin costonan adicional, y pa es motibo, e traduccion di uittreksels ta costa mas cu 15 florin manera ta stipula den ley. E costo adicional ta pa cu- bri e gastonan di traduccion, segun loke nan a declara.

Importante ta pa minister Wever por trece clarificacion riba e punto aki, manera a ser solicita recientemente.



No tin solucion ainda:

ABC Foundation ta reporta caso di shoconan perhudica pa, entre otro, practica di ATV y UTV

E organisacion no gubernamental (NGO) Aruba Birdlife Conservation (ABC) Foundation regularmente ta trece dilanti nan preocupacionnan pa loke ta trata proteccion di medio ambiente, como tambe casonan unda naturalesa y animalnan ta sali perhudica. Esey ta e caso mas recien cu e fundacion a trece dilanti mediante un publicacion ariba nan pagina di Facebook den cual nan ta lamenta e daño cu algun shoco a sufri.

E fundacion a indica den nan publicacion cu den e luna cu a pasa e shoconan a encontra diferente dificultad. Tres a muri di veneno, un a muri durante mantenimento di caya y dos a ser golpia pa vehiculo. E NGO ta remarca cu esaki ta solamente e casonan cu nan ta na altura di dje y cu pues e cifra di mortalidad ta probablemente mas halto pasobra no tur caso ta ser comparti cu nan.

“Nos ta contento ora nos por yuda esnan cu a sobrevivi pa bolbe na e bida silvestre di parha di Aruba. Pero, algun caso ta rekeri tratamiento intensivo, algo cu por tuma mas di un aña prome cu un shoco por ser libera of parcialmente libera back den naturalesa. Ta rekeri conocimiento specialisa y gran dedicacion pa yega na e punto di debilbe un Shoco na su habitat natural,” ABC a resalta.

Den nan publicacion e fundacion ta comparti potretnan y a duna splicacion di loke regularmente ta sucede cu un shoco despues cu un vehiculo dal nan.

E potretnan cu nan a publica ta ilustra un shoco cu claramente a perde bista di un banda di wowo y otro shoco



Aruba Birdlife Conservation



Aruba Birdlife Conservation

cu a perde bista di un banda di wowo y ta parce cu el a perde bista parcialmente di e otro wowo tambe.

ABC ta splica cu e shoconan mester di nan bista pa nan por busca nan cuminda. Si nan por logra esaki exitosamente nan por mantene nan neishi di shoconan baby di e miho manera posible. Pero ora nan bista ta parcialmente perhudica, e ta rekeri di mas esfuerso di e shoco pa e por cuida su mes y su famia.

E fundacion ta duna algun tips y manera con hende por yuda pa evita cu e shoconan ta sufri accidentenan cu ta prevenible. Ta importante pa chauffeurnan core cu mas cautela na momento cu nan ta cerca di un neishi di shoco

of ora cu nan wak uni cerca. Tambe ora cu haci “off-road” cu ATV of UTV, mester sigura cu e vehiculonan aki ta keda riba e caminda indica ya cu neishinan di shoco no ta facil pa wak y ta mas facil pa perhudica of destrui un neishi.

E NGO ta remarca cu regularmente un pareha di shoco sa pone nan neishi den seronan di santo pa construccion. P’esey nan ta urgi pa tene mas cuidou na momento di usa of move e santo di construccion, pa check y sigura cu no tin webo of shoco baby den e neishi pa evita sufrimento of morto di e parhanan.

ABC ta enfatisa cu mester tene cuidou na momento di usa quimico of veneno pa

mata raton y insecto. Shoconan ta come raton y insecto, y por bira victima indirecto di venenamento. Esaki por trece cune dias di sufrimento prome cu nan muri. Tres shoco a muri recientemente pa motibo di veneno y e fundacion ta sigura cu e cantidad aki ta mas halto pasobra no tur shoco cu a ser venena ta ser haya y reporta.

E tema di uso di vehiculonan di ATV y UTV ta uno cu keda un punto di atencion den comunidad, specialmente pa activista- y fundacionnan manera ABC cu ta lucha na bienestar naturalesa di Aruba.

Den luna di april ultimo mes e conocido activista Greg Peterson a publica cu otro tipo di parha na Aruba, e Patrishi, a disparce di un area hopi frecuente pa e parha pa motibo di e actividad turistico di UTV y ATV.

E activista, como diferente otro instancia, a remarca na varios ocasion cu pa motibo di e actividad di UTV y ATV, cu ta baha for di caminda, ta haci un impacto serio riba naturalesa di Aruba y ta importante pa regula esaki hopi antes cu e causa mas daño na Aruba su flora y fauna

Den luna maart di maart aña pasa, minister di Transporte, Integridad, Naturalesa y Asuntonan di Adulto Mayor,

Ursell Arends, a comunica cu a tuma e decision pa no otorga permisonan nobo den transporte publico pa UTV y ATV, y tampoco transferi permisonan existente pa UTV y ATV. Esaki cu e meta pa pone un paro na e aumento di UTV y ATV den e sector di transporte publico.

Pero te ainda no tin un maneho concreto na luga pa e tipo di vehiculonan aki. Na final di luna di april minister Arends a informa na Bon Dia Aruba cu e maneho pa vehiculonan di motor cu ta ser usa pa huur ta finalizando, sin duna mas detaye.

Den luna di juli aña pasa a crea un taskforce pa mantene e maneho pa loke ta trata UTV/ATV y otro sorto di vehiculonan. E mandatario a sigura cu na Aruba por wak diferente vehiculonan di motor circulando den e careteranan, pa garantisar orden ta necesario pa varios departamento y instancia traha hunto, pa es motibo dia 30 di maart 2023 a institui e taskforce cu ta consisti di Departamento di Transporte Publico (DTP), Korps Politie Aruba (KPA), Dienst Technisch Inspectie (DTI), Departamento di Impuesto (DIMP), Aruba Tourism Authority (ATA) y Ministerio Publico (OM).

E meta di e taskforce ta pa garantisar e cumplimiento di ley y reglamentonan relaciona cu UTV, ATV, y otro tipo di vehiculo di motor manera entre otro step electrico y Segways, a traves di un enfoque multidisciplinario. Esaki cu e meta pa trece orden den trafico pa limita e risiconan cu e vehiculonan aki ta trece cune manera accident, lesion y dañonan.

Mientras cu ainda no tin un solucion concreto pa e problema aki, e bida silvestre di Aruba ta sufri e consecuencianan continuamente. Tournan di ATV y UTV no ta cambia nan practicanan y keda laga e turistanan core den manera cu ta causa riesgo pa e entre otro e shoco y otro tipo di parhanan, sin lubida naturalesa en general.

Potretnan: Facebook Aruba Birdlife Conservation.



Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Miguel Mansur Lider di partido ACCION21

“Reforma fiscal comprensivo ta keda e prioridad principal di e proximo gobierno”

Mirando cu eleccion ta acercando, partidonan ya caba a cuminsa informa riba loke nan tin plania pa haci, loke ta keda pendiente y mester di mas atencion y tambe loke nan a logra den ultimo tres aña, manera ta e caso di ACCION21. Lider di e partido, Miguel Mansur, den un declaracion pa Bon Dia Aruba a duna su opinion tocante esaki.

Den un sistema democratico, e voto ta e forma di por expresa poder, adkision social y control. E voto boluntario ta e forma cu un persona tin pa expresa su mes cu consenshi na momento di duna su voto pa eligi miembran di gobierno, otro funcionarionan publico y representantenan.

Manera ta conoci, Mansur ta un empresario cu a biba algun tempo pafo di Aruba y cuatro aña pasa a dicidi di bira politico y lanta su mesun partido na Aruba. Na 2021, su partido ACCION21 a logra haya 2,019 voto pa por drenta Parlamento di Aruba cu e mencion di “Top 5 Vote-getter.”

Cu tres aña como parlamentario, Mansur a splica cu pa su persona “un reforma fiscal comprensivo ta keda e prioridad principal di e proximo gobierno y pa ACCION21.” “Nos tin e ley di ouderschapsverlof y reforma electoral tambe canando. Economia y finanzas ta loke mas atencion mester haya pa economia funciona debidamente y tur Arubano por gosa di comodidad financiero. Reforma di nos sistema electoral ta keda importante, separa eleccion di parlamento y minister, cambia repartimento di restzets y duna Arubano den exterior derecho di voto. Tur mester sosode pa haci nos democracia mas resiliente. Open government caminda gobierno ta completamente transparente cu gastonan, estudionan etc. ta keda falta pa pueblo por responsabilisa nos gobernantenan. Pilarnan economico nobo incluyendo produccion di magnesium lo ta parti di nos proximo plan di partido,” el a bisa.

Ademas e señala cu “reduci economia informal door di mehora acceso na sistema financiero y un solucion pa nos poblacion indocumenta ta otro prioridad.”

Ampliando un poco mas e informacion riba e ley ouderschapsverlof, ta papia di extension di verlof pa mamanan



nobo di 12 pa 16 siman, na unda esaki seguramente lo ta un cambio cu hopi famia na Aruba lo aprecia. E cambio aki tin como meta pa mehora e bienestar di famia y alinean leynan di Aruba cu normanan internacional. E extension di verlof pa mamanan di 12 pa 16 siman ta sosteni door di estudionan cu ta muestra resultadonan positivo pa conexcion entre mayornan y yiu, igualdad di sexo y un distribucion mas balansa di responsabilidnan entre pareha. E tempo di notificacion cu un empleado embarasa mester duna su dunado di trabou pa verlof ta baha pa 6 siman na luga di 2 luna. E cambio aki lo sirbi pa mehora flexibilidad di personanan embarasa, tumando den consideracion tambe e necesidadnan di dunadonan di trabou. E reduccion aki lo alinean nos leynan mas cerca cu Hulanda y islanan BES, cual ta 3 siman prome cu verlof. Si e baby ser hospitalisa durante e periodo di verlof, e danan hospitalisa no ta conta den dianan di verlof. E parti aki di e iniciativa di ley ta sigura cu mamanan tin e tempo y sosten necesario si nan baby mester di cuidio medico extendi durante nan verlof. E maximo di extension adicional a ser estableci na 10 siman, dunando flexibilidad pa acomoda situacionnan medico variante. Un di e topiconan cu mas a resalta di Mansur den ultimo tempo ta un di e parlamentarianan cu a haci impulso di matrimonio di mesun sexo pa lo cual el a sigura cu “como partido Liberal Progresivo nos ta para pa derechonan di cada ser humano den nan totalidad. Cada persona tin e derecho di biba, stima y forma nan famia den e forma cu nan ta desea y nos kier duna apoyo na nos diversidad. Nos lo cuminsa pa introduci schakelbepaling na

union civil cu a keda introduci den nos codigo civil. Nos ta comprometi na derechonan humano y nos ta kere cu limita pareha di mesun sexo na union civil ta keda discriminatorio. Comunidad LGBT+ mester tin acceso na tur derecho civil cu pareha heterosexual ta beneficia di incluyendo matrimonio.

Conhuntamente cu Ministerio di Enseñansa y Departamento di Enseñansa nos kier brinda un estructura guia na scolnan pa hoben conscientisa tocante nos diversidad y retonan di comunidad LGBT+. Creacion di un sociedad mas inclusivo ta enriquece nos cultura y identidad. Igualdad ta hancra den nos statuut y ta algo cu Accion21 ta para firmemente pa y no ta kere derechonan humano mester ser logra door di consulta publico.

Algo cu recientemente Hoge Raad a dicidi recientemente caminda el a sigura cu “tabata un decision historico di Hoge Raad pa permiti matrimonio di mesun sexo na Aruba, un paso hopi importante pa un futuro mas inclusivo.”

Den su plan di gobernacion pa loke ta trata e parti social, tambe ta inclui e introduccion di e ley “Pro-Choice=Legalisa aborto.” Den esaki ta indica: “Como partido Liberal Progresista nos ta kere den autonomia di cada ser ariba su mesun culpa. Nos ta reconoce cu esaki ta un tema delicado y kier brinda tur ciudadano e guia y sosten pa nan por haci un decision informa y sigura cu e ta esun corecto pa nan. Nos ta reconoce cu abortus ta sosodiendo caba pero pa persona di menos recurso cu no tin acceso e por crea un peligro pa nan salud. Proteha e bida di e ser femenino ta un prioridad y nos kier combina esaki cu ayudo psicologico prome cu un decision asina importante y tambe despues di un abortus pa percura nan bienestar. Tambe ta importante pa terapia ta obtenibel pa e famia di e ser femenino mientras e ta considerando y tambe despues si ta necesario. Nos kier sigura cu e procedura aki ta existi di un forma sigur cumpliendo cu reglanan internacional pa esnan cu dicidi e ta e decision corecto pa nan na e momento ey.”



Parlamentario independiente Rycond do Nascimento:

Caso Avestruz y e amor secreto entre Benny y Marisol



Mi tin un simpatia grandi pa Benny Sevinger. Como politico e ta papia bon. Como hende e ta mishi cu bo alma ora bo lesa con el a yora dilanti di hues, contando su sufrimento durante e investigacion di caso Avestruz. Marisol Tromp tambe ta un politico cu mi ta simpatisa pa varios motibo. Durante hopi aña e ta parce di ta un persona cu repetidamente a bira victima di crueldad di parti di Nel Oduber, Chris Dammers, Otmar Oduber y na ultimo Evelyn Wever-Croes.

Sin embargo e revelacion di mas grandi, pa mi, di e caso Avestruz ta e coneccion entre Benny y Marisol. Den e sentencia di Hof di dia 12 di juli 2024 nos por lesa di pagina 17 te cu 23 un splicacion amplio di e proceso corruptivo cu Benny tabata usa. E comerciantenan cu tabata desea un tereno mester a haci nan peticion dirigi na Benny. Benny na su turno tabatin un libertad demasiado grandi pa dicidi ken e ta duna tereno, sin ningun problema legal pa motibo di un poder corruptivo den nos ley di otorgamento di tereno (articulo 25c LUE).

A base di e elemento corruptivo den ley Benny tabatin e poder pa otorga terenonan bao di e condicionnan cu e mes tabata stipula pa cada caso individual. Hof ta muestra cu Benny no a haci nada pa elimina e poder corruptivo aki.

Benny tabata gaña tur comerciante cu nan tabata haya un trato igual. E tabata gaña cu tur lo a haya nan tereno segun nan beurt a base di e principio First In, First Out (FIFO). Pero, e evidencia ta muestra cu Benny tabata faborece Leoncita y Susebeek pa probecho personal. E evidencia cu Hof a usa ta inclui e testimonio di Sjak-Shie. E tabata director di DIP bao di Marisol y di Benny di 2005 pa 2010. Sjak-Shie a muestra cu e tempo ey ni Marisol ni Benny no ta tene nan mes na e maneho, manera principio di FIFO.

Loke ta mas interesante ainda ta cu no ta Benny a inventa e draaiboek di corrupcion. Aparentemente ta Marisol ta e arkitecto. Den e relato di NoticiaCla fecha 15 di mei 2024 ta muestra cu hues a haci pregunta na Benny encunto e proceso pa por haya un tereno. Durante e interrogacion aki Benny a laga sa cu no tabata existi regla specifico pa otorgamento di tereno. Benny a

sigura hues cu ora cu el a bira minister, el a informa su mes kico e proceso tabata bao di Marisol y siguiientemente Benny a dicidi pa mantene e proceso mescos. Cu otro palabra Benny no a haci net nada pa elimina e poder corruptivo for di proceso cu el a hereda di Marisol.

Ora nos pone e sentencia di Hof banda di e WODC-rapport di 2010 tur cos ta cuadra. Riba pagina 171 te cu 173 e rapport ta muestra cu Marisol ya caba tabatin e poder corruptivo cu despues a hiba na condena di Benny na cuater aña di prison. Es mas, e WODC-rapport ta sigui muestra cu Marisol a usa e poder pa viola e principio FIFO den aproximadamente setenta caso. Pa colmo mayoria di e violacionnan aki a tuma lugar net prome y durante e campaña electoral di 2009. Pero, toch Benny den capacidad di minister nunca a entrega un denuncia serio contra Marisol. Ta te ora cu el a sinti e rosea cayente di husticia el a core hinca un cos straño den otro, acusando Marisol y Evelyn, pero sin basha abao riba e triki y trampa cu el copia di Marisol.

Aña 2009 ainda Marisol tabata candidato pa MEP. Cuater aña despues, na 2013, Marisol a bira parlamentario pa AVP. Probablemente pasobra Benny

tabata usando Marisol su draaiboek, nunca Marisol a basha abao Benny. Tampoco Marisol a pasa cualquier mocion pa kita e poder corruptivo for di e minister di infraestructura. El a djis apoya Benny y Gabinete Mike Eman II te ora cu el a clash cu Dammers.

Ta danki na e trabao grandi di Landsrecherche, Ministerio Publico y Corte Comun awe nos sa con Marisol den MEP a crea caminda pa Benny den AVP, perhudicando hopi comerciante. Ta danki na nos cadena hudicial awe nos por compronde con AVP a usa ley di tereno comercial pa facilita tereno facil pa friends & family enrikece nan mes. Mientras tanto comerciantenan serio mester a cumpra e terenonan via un construccion legal na prijsnan exorbitante. Asina e orbita di politiconan aki a obliga e comerciantenan hisa nan prijsnan, aumentando e “cost of doing business”, aumentando inflacion y aumentando pobreza.

Nota di redaccion: E articulo aki ta opinion di parlamentario independiente Rycond do Nascimento, y di ningun manera ta refleha opinion di Bon Dia Aruba y ta pa responsabilidad exclusivo di e autor cu a ofrece esaki pa publicacion.

CBS: Bestaansminimum na Juni 2024 a aumenta Afl. 137 compara cu mesun luna na 2023

E **bestaansminimum** ta e nivel minimo di entrada cual ta wordo percibi cu ta necesario pa logra mantene un nivel di bida adecuado den un cierto pais. Usualmente e **bestaansminimum** ta wordo determina door di calcula e gasto di tur e recursonan esencial cu un adulto ta consumi den un luna of aña.

Generalmente esaki ta wordo yama un indice basico di necesidad, y e ta varia segun e prijs di cuminda, paña, vivienda, transporte y otro articulonnan den e “canasta”. Escalanan di ekivalencia ta wordo usa pa ahusta e nivel minimo di entrada percibi pa hogarnan di diferente tamaño y composicion. E escala ta asigna un peso di 1.0 pa e prome adulto y 0.5 pa cada adulto adicional den e hogar

(edad 16+) y un peso di 0.3 pa cada mucha (edad 0-15 aña).

E **bestaansminimum** ta basa riba cifranan di e rapport “Bestaansminimum 2010” y ta wordo actualisa mensualmente pa cu inflacion usando e CPI mensual. E unidad di referencia den e rapport aki ta di un hogar cu ta consisti di dos (2) adulto y dos (2) mucha (edad 0-15 aña).

Na Juni 2024 e **bestaansminimum** mensual pa un hogar cu ta consisti di dos (2) adulto y dos (2) mucha (edad 0-15 aña) (Afl. 5,473) ta muestra un subida di Afl. 137 compara cu Juni 2023 (Afl. 5,336) y a wordo causa principalmente door di subidanan di Afl. 58 y Afl. 44 den e sectornan di “Cuminda y bebida no-alcoholico” y “Vivienda”.

Tabel 1 Bestaansminimum mensual na Aruba (na Afl.) pa sector pa un famia consistiendo di 2 adulto y 2 mucha (0-14 aña)

Sector	Jun-23	Jun-24	Cambio
			Absoluto
Cuminda y bebida no-alcoholico	2,228	2,286	58
Paña y sapato	238	237	-1
Vivienda	1,605	1,649	44
Mobilario	113	111	-2
Salud	84	83	-1
Transporte	349	331	-18
Comunicacion	142	171	29
Recreacion y cultura	158	158	0
Educacion	78	97	19
Restante bienes y servicio	342	349	7
Total	5,336	5,473	137

Source: Central Bureau of Statistics Aruba

Minister di Salud, Dangui Oduber ta splica e 3 pilar den sector di cuida

Den cuadro di e mehoracion di e calidad di cuida y servicio na Aruba Minister di Salud Publico Sr. Dangui Oduber ta comparti cu pueblo su vision y con esaki ta parti den 3 pilar: Mehoracion, Inversion y Prevencion.

Pilar 1: Mehora nos calidad di cuida y servicio na Aruba
Minister ta menciona pa logra mehora esaki, henter e sector di cuida mester a bin hunto y firma un acuerdo di cuida (Zorgakkord) pa locual ta e direccion cu kier hiba nos cuida medico den futuro. Tur esaki ta pa salvaguardia e fondo di AZV, pa asina nos por keda ofrece un seguro medico general na tur e aseguradonan. Den e acuerdo di cuida a enfoca ariba e siguiente prioridadnan manera; reenforza prome liña di cuida, aumenta e accesibilidad, baha e lista di espera y percura pa yena

e vacaturanan di specialista.

Pilar 2: Inversion den cuida medico

Minister Dangui Oduber ta menciona cu locual ta hopi importante den e acuerdo di cuida ta e presupuesto financiero, pa por guia y determina e fondonan pa e añanan binidero. A percura pa den e presupuesto tin e financiamiento necesario pa por haci inversionnan den e sector di cuida medico manera; inversionnan na ImSan pa e centro di radiotherapie, inversionnan na respaldo pa yuda pashent cu problema di salud mental, inversionnan pa Stichting Bob, inversionnan na Hospital pa mehora e servicio na pashent, inversionnan pa ambulancenan nobo y inversionnan den innovacion.

Pilar 3: Prevencion den salud

Minister Oduber ta sigui traha duro pa prevencion di salud. E ta e responsabilidad di cada ciudadano pa biba un bida balansada y saludabel.

E pilar di prevencion number 3 ta asina importante y pa es motibo a presenta un plan nacional di prevencion conhuntamente cu Pan American Health Association (PAHO) y ademas stakeholders den cuida medico. E meta di e plan di prevencion ta pa asina conscientisa y educa e comunidad con pa tin un lifestyle mas saludabel pa un mihor calidad di bida y pa tin mas productividad den nan bida diario. Den cuadro di esaki a habri Healthy Lifestyle Center cu ta fungi como un centro pa yuda guia y duna coaching na tur cu tin e deseo di cambia nan lifestyle pa uno mas saludabel.

Minister Oduber ta sigui traha pa cumpli cu e compromiso cu



e tin pa cu e pueblo di Aruba. Pa sigui traha pa mehora e calidad di cuida y servicio den su

totalidad. Pa asina por ofrece un mihor servicio na tur e aseguradonan.

Alcalde di Amsterdam Halsema ta haci yamado riba Gabinete pa inverti mas den salud mental

(NLTimes)—Alcalde di Amsterdam Femke Halsema a haci un yamado na e gabinete Hulandes pa inverti mas den salud mental. Den un entrevista cu De Telegraaf, el a bisa cu mester aloca mas placa “riba mamanan cu depression leve compara cu hende cu hendenan cu malesanan psiquiatrico cu urgentemente mester ayudo.”

Segun Halsema, tin un “un limite den bista” pa e cantidad di hende cu salud mental bibando den barionan caba vulnerable. E hendenan aki ta depende frecuentemente riba vivienda social y ta biba den barionan cu hopi vivienda social. Segun Halsema, esaki tambe ta un consecuencia di e yamado socialisacion di cuida. “E idea cu hende mester por participa den sociedad. Nan no mester ta cera pa resto di nan bida.”

E alcalde di Amsterdam a subraya cu esaki ta un bon idea pero cu tambe mester tin suficiente cuida y apoyo pa e hendenan aki. Y esey ta precisamente kico e ta kere ta falta. P’esey e ta pensa e lo ta miho si algun hende ser admiti den “facilidadnan colectivo” unda “nan por keda, keda proteha y trata.”

Den e corant, e alcalde ta aboga

pa recorte di listanan di espera pa cuida hubenil y fortaleciendo e politica den e barionan di e ciudad. Tambe e kier pa e servicio di salud municipal, cuida di salud mental, e municipio, y polis traha miho hunto riba casonan envolviendo hende cu problemanan di salud mental. Sinembargo, esaki lo rekeri un enmienda na e Acto di Proteccion di Data.

P’esey Halsema kier implementa medidanan pa sigura menos buraco entre e institucionnan ey cu ta provee ayudo. “E ayudo ta demasiado fragmenta. Mi kier un number di telefon unda hende por yama y por ser tuma serio inmediatamente. Esaki mester cana mas lihe, mas facil y mas accesible. Esey tambe nos ta trahando duro riba dje,” el a conta De Telegraaf.

Halsema ta haci un yamado riba minsiter Marjolein Faber di Asilo y Migracion pa deporta migrante cu a sobrepasa nan procedura di asilo. Y si e no logra haci esaki, pa no bandonar e municipionan. E ta referi na e skema di cama-ducha-pan, cual e gobierno kier pone fin riba dje. Cu e skema aki, ciudadnan ta ofrece shelter pa hende indocumenta. Halsema ta preocupa cu e “problemanan psicologico y social lo empeora hopi lihe” si e hendenan aki no tin cas mas.

Schakel College
MAVO - HAVO - VWO

COLLEGA GEZOCHT
WIJ ZIJN OP ZOEK NAAR JOU!

- Heb jij echt oog voor de leerling?
- Ben je accuraat en ICT-vaardig?
- Draai jij je hand niet om voor administratieve taken en invallessen?

In Aruba biedt het Schakel College voortgezet onderwijs aan voor vwo-havo-mavo. Wij zijn een TTO-school en bieden de leerlingen een sterke onderwijskundige basis (cognitief, sociaal, studievaardigheden) om door te groeien naar succesvolle, betrokken volwassenen die hun weg weten te vinden in een snel veranderende wereld.

Per direct zijn wij op zoek naar een gedreven collega die zich samen met ons willen inzetten voor de toekomst van onze leerlingen.

ONDERWIJSONDERSTEUNER / VERZUIMCOÖRDINATOR

WAT BIEDEN WIJ?

- 25 uur partime 7:15 - 12:15
- Contract voor onbepaalde tijd (proeftijd van 2 maanden).
- Salariering volgens de bezoldigingsregeling overheidspersoneel van het land Aruba.
- Aanvullende voorwaarden bij een eventuele emigratie worden tijdens de gesprekken besproken.

HEBBEN WIJ JOUW INTERESSE GEWEKT?
MAIL DAN JOUW MOTIVATIEBRIEF MET CV EN EEN KOPIE VAN (GEWAARMERKTE) DIPLOMA'S NAAR ONZE SCHOOLLEIDER LIZETTE MOERMAN VIA SOLLICITATIE@SCHAKELARUBA.COM

Boegoeroel 7B, Aruba +297 5871583 www.college.schakelaruba.com

Caso di “Nuto” Wawoe lo haya audiencia Pro Forma dia 31 di juli



(CuracaoChronicle)—Urvin “Nuto” Wawoe lo aparece dilanti hues pa prome biaha otro siman diaranson, dia 31 di juli. E lo ta un audiencia prehuicio, unda e acusado por entrega peticionnan investigativo, entre otro. Nuto ta legalmente representa pa abogado Alicia Blonk.

E sospechoso di 39 aña Wawoe, ta considera como un di e lidernan di e gang criminal Curasoleño “No Limit Soldiers” (NLS) y ta sospecha cu e ta envolvi den asesinato, narcotrafico y labamento di placa na ambos Corsou y Sint Maarten.

E detencion di Nuto tabata parti di e investigacion Themis, un investigacion comprensivo

den organisacionnan criminal na Corsou y Sint Maarten. Na november 2020, Shurandy “Tyson” Quant, un amigo di Wawoe for di e bario Koraal Specht, a ser deteni na Dubai den e prome fase di e investigacion aki. Quant tabata un otro figura clave den NLS.

Nuto ta wardando e procesamento di su caso den un prizon Hulandes. Ainda no ta conoci si lo trec’e Corsou pa su audiencia prehuicio, cual no ta un practica comun. Tipicamente, e lo ser trec’i Corsou pa e prome audiencia substantivo. Nuto por ser presente via video link.

Ta anticipa cu e audiencia substantivo di e caso lo tuma luga comienso di 2025.

Corsou:

Ombudsman ocupa cu kehonan contra VVRP



(CuracaoChronicle)—Ombudsman Keursly Concincion a ricibi mayoria keho tocante e ministerio di Trafico, Transporte y Planificacion Espacial (VVRP) na 2023, 65 den total. Di e 17 investigacionnan conduci pa e Ombudsman, 10 tabata relaciona na su ministerio. Esaki ta detaya den e rapport anual di 2023, cual Concincion a presenta siman pasa pa presidente di parlamento Charetti America-Francisca.

Na 2023, e Ombudsman tabata encarga di 710 peticion. Mayoria di esakinan tabata relaciona na e actitud

relaha di e gobierno pa loke ta respondiendo cartanan for di ciudadano- y organisacionnan. Despues di VVRP, e ministerio di Husticia a ricibi 64 keho, y e ministerio di Finanzas a ricibi 40 keho. Di e 17 investigacion, 15 tabata relaciona na con e gobierno ta cumpli cu su debernan, cu recomendacionnan pa varios ministerio. Tabatin 10 reportahe y 18 recomendacion pa VVRP; 2 reportahe y 7 recomendacion pa Husticia; 2 reportahe y 4 recomendacion pa Salud, Medio Ambiente y Naturalesa; y 1 reportahe y 2 recomendacion pa Desaroyo Economico.

Ademas, e rapport anual ta subraya e di 20 aniversario di e Ombudsman na 2023. E logro aki a ser usa pa reflehá riba e futuro y engrandece e efectividad di e institucion. Un resultado significativo tabata e reforma pa un institucion mas accesible, cu e meta pa transportacion publico mas husto, cual a ser logra na 2023.

Corsou

Residentenan: destruccion ambiental ta sigui na Zakító



(CuracaoChronicle)—Residentenan di Zakító un bes mas ta batiendo alarma tocante e destruccion ambiental andante den nan area. A pesar di yamadanan continuo na gobierno y parlamento, e construccion di edificio-nan high-rise y un marina pa desaroyadornan priva ta sigui, cual nan ta bisa ta causando daño severo na e ambiente local.

Cu e aprobacion di e ministerio di Trafico, Transporte y Planificacion Urbano, GMFB Royal Development Group y The View Resort & Marina, operando bao Royal Holding I, II y III, a procede cu nan proyecto di construccion na Zakító.

“E area aki, conoci pa su beyesa natural, awo ta mirando meternan di mata di mangel disparece, rifnan di coral hayando daño, y lagunanan yena,” segun e residentenan. Nan tin mas cu tres aña ta bringando pa proteha e medio ambiente y ta cuestiona si a tuma na cuenta consideracionnan ambiental y si a conduci un Environmental Impact Report (MER)

Como respuesta, e movimiento Save Zakító a lansa un campaña di conscientisacion y a colecta casi dos mil firma via un peticion, cual a ser entrega na varios oficial di gobierno. Save Zakító ta sigui informa e publico via nan Facebook page y ta sigui aumenta conscientisacion tocante e importancia di un medio ambiente limpi y safe.

A entrega e peticion na presidente di parlamento, Charetti America-Francisca, na fin di mei y a luna aki na e representantenan di e Reino di Hulanda

na Corsou, Edson Hato.

Gobernador Lucille George-Wout, ken tambe a ricibi e peticion hunto cu prome minister Pisas, a entreg’e tambe na e minister relevante. Save Zakító no a manda e peticion pa prensa ainda, wardando un respuesta oficial for di gobierno. Si e autoridadnan keda keto, e peticion lo ser publica inmediatamente despues di reces.

Declaracionnan sin base
Den nomber di Royal Holding Company II B.V., a duna un respuesta na e acusacionnan. Segun e compania, e acusacionnan di destruccion ambiental no tin base. E compania ta bisa cu e mangelnan no ta hayando daño y cu e construccion di The View ta tumando luga cu conseho ecologico. Kitamento incidental di mangel ta ser compensa pa obligacionnan pa replanta.

Pa loke ta e dañonan na cor-alnan durante e construccion di e marina, e compania ta reconoce cu algun coral a ser afecta pero a enfatisa cu esaki ta pasando den areanan cu densidad abao di coral.

“Ora ta diseña e breakwater, nos a determina e diseño y posicion basa riba investigacion cuidadoso di coral pa sigura cu e breakwater ta para solamente riba tera di lama unda e densidad di coral tabata mas abao cu e limite legal di 5 porciento pa cada meter cubico.

E trabao ta ser conduci cu medidanan pa preveni sedimento dañino. “Nos ta traha na e entrada di marina solamente durante mareanan cu ta drentando pa asina turbiedad bay paden, leu for di tur coral.”

Na Hulanda, un schema cu meta pa yuda hende cu discapacidad haya trabao paga ta hopi atrasa

(NLTimes) – E ‘acuerdo di trabao’ cu tabatin intencion pa yuda miles di persona cu discapacidad pa haya trabao paga no ta parce di ta trahando bon. Despues di haci investigacion, Autoridad Laboral Hulandes a bisa cu pa un parti grandi di e grupo obhetivo, ta probablemente imposible pa haya trabao na un dunador di trabao regular.

Otro solucionnan, manera actividadnan den dia of lugarnan di trabao protegi cu mas guia, por ta mas util pa nan.

Dunadornan di trabao a priminti di crea mas cu 125mil trabao regular entre 2013 y 2026 pa hende cu discapacidad cu ainda ta capaz di traha. Guia adicional tabatin intencion pa yuda e hendenan aki haya trabao na un dunador

regular. Secretario Estatal di Participacion, Jurgen Nobel a anuncia diamars cu esaki a crea casi 86mil trabao te awo.

Autoridad Laboral ta mira cu como un tercera parti di e hende den e grupo obhetivo aki (35 por ciento) no tabatin trabao di 2019 pa 2021, despues di apenas traha e añanan prome.

Un porcion di e grupo no tin chens di obtene un trabao regular, Autoridad Laboral ta teme. Nan ta basa esaki riba e experiencia di empleadonan di agencia di beneficio UWV y municipalidadnan cu ta purbando di yuda hende cu discapacidad haya trabao. Esaki ta trata principalmente di hende cu tin varios problema simultaneamente, manera limitacion cu debe, tarea di cuidu of problema cu vivienda.

Empleadonan municipal y di UWV a bisa Autoridad Laboral cu trabao protegi of actividadnan den dia lo ta miho pa habilita nan pa participa den sociedad. Sinembargo, segun Autoridad Laboral, ainda tin demasiado obstaculo pa cambia plan.

Esaki tambe a proba di tin un impacto negativo riba hende cu tin discapacidad y por a haya un trabao na un dunador regular pasobra no tin suficiente tempo pa guia nan pa hacie.

E casi 86mil trabao cu a crea te awo ta menos cu e meta di 105mil trabao pa 2023. Sindicato laboral FNV a bisa cu ta atendiendo e problemanan cu acuerdo di trabao pa años. Vicepresidente Kitty Jong a bisa cu riba papel, e hendenan aki por traha, pero den practica, no tin un chens



realistico pa traha. “Nos mester mehora nos trabao y cambia cos.” FNV ta kere cu mester tin

mas trabao protegi unda hende por traha den un ambiente safe y adapta.

Violencia politico birando mas y mas aceptable na Europa, segun estudio

(NLTimes) – E estudionan mas recien ta muestra cu hende na Europa ta aceptando violencia cada bes mas como un manera pa resolve problema politico of tuma accion contra politiconan. Esaki ta un consecuencia di haci e debate politico mas fuerte, Trouw ta reporta.

E atmosfera politico na Europa a keinta den ultimo añanan. Politiconan na varios pais Europeo a sinti e frustracion di e poblacion directamente: Na Alemania, a ataca politiconan mientras nan tabata pone poster di eleccion; y na Hulanda, a dal lider di FvD, Thierry Baudet cu un paraplú. Especialmente despues di intento di asesinato di Donald Trump, un debate a bin dilanti na Hulanda tocante e seguridad di politiconan, specialmente esnan cu ta pertenece na e spectrum populista di derecha.

Jonathan van ‘t Riet no kier dramatiza e desaroyo di violencia politico demasiado, ya cu historicamente, semper tabatin comportamiento politico asina di e poblacion civil. E comportamiento aki ta principalmente pa motibo di e cultura politico di e pais respectivo. “Francia tin un tradicion di protesta violento, pues mira e disturbionan to-



cante e edad di retiro. Alemania tin problema cu derecha extremo. Pero en general, e atmosfera na Europa ta scur,” el a bisa Trouw.

Van ‘t Riet ta investiga tolerancia di violencia politico na Hulanda na Instituto di Ciencia di Comportamento na Universidad Radboud. Den su estudio di 2021, como un di cinco parti di encuesta-do a bisa cu un menasa tabata aceptable pa pone un politico cu ta “destruyendo e pais” riba e caminda corecto. Den su estudio nobo, cu ainda no a keda publica, un cuarta parti di e encuestadonan a bisa cu esaki tabata okay.

Sinembargo, e aceptacion di violencia politico a bira mas amplio den sociedad. Ora a

puntra cu algun di e problemanan cu ciudadanonan tin cu gobierno por keda resolvi “cu algun bala bon tira,” 1.9 por ciento a responde na 2021 cu nan ta di acuerdo, y den e encuesta recien, e cifra aki ta 4.8%.

E aumento aki no ta laga Van ‘t Riet no impresionar. P’e, esakinan ta cifranan halto, pero e no ta kere cu esaki ta sinonimo cu sostene asesinato politico of tuma over gobierno. Sinembargo, e estudio ta muestra cu e hendenan aki no

ta rechasa categoricamente e violencia contra politiconan. Segun e estudio, esnan cu tin tendencia pa mira violencia politico como un manera pa logra algo mas probablemente ta hende homber, jong, y usualmente confrontando dificultad financiero. Loke nan tin en comun riba tur cos, segun e investigador, ta desconfiansa, e idea cu cosnan ta pasando cu no ta bon. “MNi ta sospecha cu violencia ta ainda e unico manera pa laga nan voz ser scucha,” Van ‘t Riet ta splica.



Nos ta buskando un Maintenance Electrical Technician

- Senior Technical School (MTS-Level 4) Electrical or equivalent with >5-year work experience in household, commercial and industrial works
- Successful completion of accredited trade school or 5 years practical experience as an industrial electrician
- Possession of journeyman certification as an electrician is a plus.
- English required.
- Papiamentu required.

For more information or to apply please send an email :

daniela.duran@cargill.com

You can apply till the 2nd of August 2024



Colombia: Oposicion ta cuestiona Petro pa inseguridad den e pais y corrupcion den gobierno

(EFE) – Senador di partido opositor Centro Democrático, Miguel Uribe Turbay diasabra ultimo a sigura cu presidente Colombiano, Gustavo Petro ta papia “di un pais cu no ta existi,” na tempo cu a critica inseguridad, scandal di corrupcion den gobierno y asesinato di lideran social.

“Nos tin oranan scuchando e descripcion di un pais cu no ta existi y hopi leu di esun cu nos ta biba tur dia. E presidente a bin papia di soño y fantasia, mi ta supone, cu ta pasa mas tempo soñando cu lanta,” e legislado a bisa durante su discurso di oposicion na instalacion cu Congreso cu Petro a haci.

Uribe Turbay a resalta cu den dos aña cu Petro tin gobernando a registra e asesinato di 334 lider y ta conta mas di 170 masacre.

“Ta duel nos den alma, pa su indiferencia ta matando polisnan na Cauca,” e congresista a bisa ora a referi na e ola di violencia cu ta golpia e departamento en cuestion.

Tambe a papia contra reforma di pension aproba na Congreso debi cu “no ta resolve e problemanan di e sistema actual, ta pone den riesgo loke a spaar den pension y ta condena nos hobennan pa nunca baha cu pension.”

Igualmente a sigura cu un constituyente ta sirbi solamente pa Gobierno y politiconan tradicional. Sinembargo, a bisa cu na Colombia “lo no tin constituyente y menos pafo di e ley, ni tampoco ‘fast track’ pa viola e Constitucion. Nos no ta bay permiti esey,” el a adverti.

Petro a propone den Consejo di Nacionnan Uni un plaso suplementario di shete

aña pa implementa Acuerdo di Paz den su tres factor: reforma agrario, inclusion territorial y unificacion di sistema hudicial di berdad y reconciliacion.

Eynan el a reconoce cu tur su proposicion lo mester un pacto grandi nacional prome “cu mita di e poblacion” cu ta opone e Acuerdo di Paz, y pa vence oposicion, pa locual a solicita un fast track, cual ta un mecanismo legislativo cu lo por permiti aplica reforma mas urgente mediante procedura mas lihe.

Di otro banda, e representante di partido Verde Oxígeno, Daniel Carballo, a sigura cu no ta kere cu presidente Petro ta corrupto, pero a sigura cu e ta kere cu “den su afan di yega na poder el a uni cu personanan indecente y a adkiri comportamiento cu a dañá su proyecto di cambio.”

Tambe a señala cu “e balans ta negativo di su gobierno” y a enfatisa cu Petro ta un mal administrado. Den un discurso diasabra ultimo cu motibo di instalacion di e periodo nobo di sesion na Congreso, e celebracion di Dia di Independencia Colombiano, Petro a propone un “acuerdo nacional” y a pidi pordon pa scandal di corrupcion den Unidad Nacional pa Gestion di Riesgo di Desaster (UNGRD) cu ta involucra legislado-, minister- y otro funcionarianan halto di su Gobierno.



Brazil: Lula ta lansa su candidato pa alcaldia di Sao Paulo “pa fascistanan no bin back nunca mas”

(EFE) – Presidente Brasileño, Luiz Inacio Lula da Silva, diasabra ultimo a anuncia su candidato pa alcaldia di Sao Paulo, diputado Guilherme Boulos, den cual Lula ta convenci cu su victoria na eleccion municipal di october ta bay evita cu “fascistanan bin back na poder.”

“Cu victoria di Boulos nos por bisa cu nunca mas derecha extremo, fascistanan, nazi, negacionista y gañado lo no bolbe goberna e pais of ciudad aki,” Lula a bisa den un acto den cual a oficialisa Boulos como candidato di coalicion di ocho partido na Sao Paulo.

Boulos, lider di movimiento di ‘sintecho’, diputado federal di partido Socialismo y Libertad (PSOL) y fiel aliado di Lula, lo tin como adversario principal e alcalde actual, Ricardo Nunes, miembro di e partido derechista di ex-presidente Jair Bolsonaro.

Segun encuesta, e dos candidato ta empata tecnicamente cu intencion di voto mientras ta falta 77 dia pa eleccion. Esaki ta prome biaha cu Partido di Trahadonan (PT), cual Lula a funda na 1980, ta renuncia di tin un candidato propio pa e capital paulista.

Den e contexto aki, Lula a garantisá su apoyo incondicional na Boulos y a pidie pa duna atencion na e poblacion pover di e ciudad, cu ta sufri cu ausencia di Estado y falta di oportunidad.

“Ta posibel pa goberna e ciudad aki cu mas humanismo, wak e ciudad, goberna pa muchanan di color scur y hende muhe color scur, cu ta wordo persigui,” e hefe di estado a bisa.

Den su opinion, asina Sao Paulo, e ciudad cu mas recurso economico y cu mayor poblacion na e pais, ta bay transforma den un “ciudad mas humanista, solidario y fraternal.”

Acompaña pa ex-alcalde Luiza Erundina, Marta Suplicy, awor candidato pa vice- alcalde di Boulos, y Fernando Haddad, cu ta e minister di Hacienda actual, e lider di ‘sintecho’ a priminti di “no laga niun hende atras.”

Den su discurso el a defende combati desigualdad, caba cu analfabetismo y renoba e flota di busnan municipal cu auton electrico.

E eleccion municipal, den cual ta bay renoba alcalde di 5.568 municipio, ta muestra un bataya nobo entre progresismo cu Lula y derecha extremo di Jair Bolsonaro.

Tambe ta bay sirbi como un thermometer pa e gestion di Lula cu ta casi na mita di su mandato di cuatro aña y di animo di e votonan den marco di eleccion presidencial 2026, den cual Lula a insinua caba cu e lo bolbe presenta como candidato.



50 aresto despues cu a intercepta barco cu cocaina den Caribe

(Europol) – A aresta 39 individuo dia 24 di juni ultimo na Spaña, Noruega, Polonia y Reino Uni despues cu a confisca cocaina na un balor di 45 miyon euro for di un barco riba lama na 2023. Tripulacion di 8 persona tambe a keda aresta durante e intercepcion inicial aki.

Simultaneamente a haci inval na 47 cas na Bulgaria, Colombia, Noruega, Panama, Portugal, Spaña y Trinidad y Tobago. Simannan subsecuente a mira otro tres individuo deteni, treciendo e cantidad total di aresto na 50.

Europol a sostene e investigacionnan aki desde augustus 2023. Dia 20 di december 2023, autoridadnan a intercepta un barco di bela den awanan internacional cerca di costa di Martinique cu 1,500 kilo di cocaina abordo. Ocho persona, incluyendo e tripulacion y algun involucra di otro manera, a keda aresta e mesun dia. Despues di e operacion aki, den marco di actividadnan di inteligencia na caminda cu su contrapartinan operacional, Europol a logra desaroya inteligencia accionable relaciona cu actividadnan di traficacion di droga di e grupo di crimen organisa aki. Esaki a conduci na



mas investigacion y actividadnan operacional involucrando 10 pais.

A aresta e sospechosonan como parti di un operacion internacional contra traficacion di droga dirigi pa Polis Nacional Spaño. Autoridadnan Spaño a traha di cerca cu Polis Noruego, Agencia Nacional di Crimen di Reino Uni, y Administracion di Droga Mericano (DEA) den e marco di un Taskforce Operacional cu a set up na Europol. Proposito di e taskforce tabata pa enfoca riba un organisacion di traficacion di droga cu vinculo na region

Western Balkan cual autoridadnan tabata sospecha di manda cantidadnan grandi di cocaina pa Europa.

10 barco di cocaina operando entre Sur America y UE
Durante e investigacion, e agentenan a identifica un total di 10 barco usa pa e organisacion riba e 'rutanan di droga' y cu e criminalnan tabatin diferente base di operacion na Spaña y Sur America. Na Spaña, nan a usa Valencia, Alicante, Almeria, Malaga y Islanan Canarias como puntanan logistico prome cu nabega pa Sur America. Na Sur America, nan

a usa Brazil, Colombia, Guyana, Trinidad y Tobago, Saint Lucia, Barbados of Panama pa mantene e barconan di bela cla pa nabega cu e droga. E sistema aki ta nifica cu por move cargamentonan asina cu e orden di e lider di e red criminal of su teniente keda ricibi.

Despues lo tuma e cocaina for di costa di e islanan Caribe riba barconan di bela cu tiki despues tabata nabega pa Spaña, for di unda tabata distribui e droga na varios pais di UE riba tera. E tripulacion pa e barconan di bela tabata recluta na Noruega door di un di e lidernan di e

organisacion di traficacion di droga, kende Europol a designa como un Obhetivo di Balor Halto. E individuo aki tabata entre esnan aresta na Noruega dia 24 di juni.

Cooperacion internacional via Europol pa vincula confiscamento di droga y traficadornan. E operacion aki tabata e culminacion di varios luna di planeamento meticuloso den preparacion pa e fase final di e accion. E partnernan ta trahando hunto di cerca den marco di un Taskforce Operacional di Europol pa establece un strategia conhunto y organisa e intercambio extensivo di informacion.

Europol a duna desaroyo continuo di inteligencia pa crea un mapa di e obhetivonan y nan actividad criminal. E agencia tambe a financia un reunion operacional na Madrid. Durante e dia di accion, un experto di Europol a keda desplega na Marbella, Spaña, pa duna asistencia cu e analisis rapido di data mientras tabata colecta esaki, yudando pa ahusta e strategia operacional segun tabata necesario. Ademá, Europol a funda e intercambio di agentenan di polis Spaño y Noruego riba dia di e accion.

Lidernan Caribense ta pidi 'Marshall plan' pa yuda reconstrui despues di Horcan Beryl

(TheGuardian) – Lidernan Caribense luchando pa genera centenares di miyones despues cu Horcan Beryl a destrui islanan completo a pidi gobierno Britanico pa sostene un 'Marshall Plan' pa reconstrui nan paisnan devasta.

E horcan, cu a subi tera den Caribe dia 1 di juli, a mata al menos 11 persona, a destrui mas cu 90% di edificio na partinan di Grenada y St. Vincent and the Grenadines (SVG) y a laga miles sin hogar y sin awa potable, electricidad ni cuminda.

E carta dirigi na secretario di Exterior, David Lammy, y e canciyer Rachel Reeves ta punta riba e patronchi continuo di horcannan destructivo den Caribe, cu Dominica perdiendo mas cu 200% di su GDP despues di daño ocasiona pa Horcan Maria na 2017.

E carta, firma pa prome ministernan di Antigua and Barbuda, SVF y Grenada, ta adverti cu paisnan Caribense no por sostene e debe aumentando pa reconstruccion cada biaha di nobo. E carta ta haci un yamado pa "cancelacion inmediato di debe duna a traves di mecanismonan pre-acorda cu ta inicia automaticamente den caso di un desastre cu ta cualifica manera esun actual."

Igualando e impacto di horcannan den nacionnan Caribense na un Armageddon nuclear, e carta ta propone un iniciativa similar na e Marshall plan di Merca, di \$13 biyon pa yuda reconstrui Europa despues di Segundo Guerra Mundial. E \$13 biyon aki ta ekivalente na \$227 biyon awendia.

E version Caribense lo inclui prestamonan mas barata, opcionnan di restructuracion



di debe, acceso mehora na donacion pa daño relaciona cu clima, y un programa na gran escala pa construi infraestructura berde y resiliente y economianan mas fuerte.

Dia 5 di juli, Lammy a anuncia un pakete di mey miyon Libra pa paisnan Caribense afecta pa Beryl y a priminti pa duna prioridad na e emergencia climatico. Pero prome minister di SVG, Ralph Gonsalves y su contraparti Granadino, Dickon Mitchell a describi e placa genera te awo for di polisa di seguro y contribucionnan como un "gota den e hemchi."

Den e apelacion conhunto dia 11 di juli nan a implora "emisornan mayor" cu a "ingenia e crisis climatico" den nomber di prosperidad pa haci loke ta moralmente responsable y ofrece sosten significativo pa nan recuperacion y alivio. "Con un pais cu tiki espacio fiscal por reconstrui 2,500 cas, manera ta e caso di SVG? Hasta un pais mas grandi, un economia mas grandi lo haya esaki hopi problematico, mucho menos un pais asina chikito y fragil manera esun di nos... realmente nos mester di boso ayudo. Ta asina simpel. Si bo tin un sentido di responsabilidad y humanidad, y mi ta kere

cu bo tine, mi ta kere bo lo asisti," Gonsalves a bisa den e conferencia di prensa.

Coordina pa e thinktank ODI y firma pa expertonan climatico, e carta na gobierno Britanico ta sostene e argumento cu islanan den Caribe no mester ser laga pa carga e peso financiero di un crisis cu nan no a causa.

Emily Wilkinson, principal research fellow di ODI y director di su Iniciativa pa Islanan Resiliente y Sostenible, a bisa cu sosten di Reino Uni pa e Marshall Plan por yuda e islanan chikito "evita un crisis di debe."

Aruba ta derota Republica Dominicana 2-0 na Corsou y ta titula campeon di Serie del Caribe *Seleccion Little League 11-12 back den World Series despues di 13 Aña*



Aruba a sobresali cu un “outstanding performance” den Serie Del Caribe, cual a tuma luga na Corsou. Diasabra atardi, Aruba a topa e fuerte ekipo di baseball di Republica Dominicana den e gran final. Aruba un dia anterior tabata perdi 6-0 den prome inning contra e fuerte Seleccion di Pariba di Corsou y a logra bringa pa gana e wega aki 12-8 tras di un tremendo home run di tres careda di Arnold Martha cu a trece Aruba bek den wega.

Diasabra anochi, den un sta-

dion yen yen, Aruba ta derota Republica Dominicana 2-0 pa titula campeon di Serie Del Caribe. Pitcher Naivmar Angela ta tira un “one hitter”



te den di 5 inning sin permiti careda, mientras e mes ta conecta un cuadrangular pa manda Aruba ariba 1-0 den e di dos entrada. Sigur un wega yena cu emocion, pero Aruba su seleccion a hunga cu caracter pa gana y a sa di ehecuta e momentonan mas crucial sea cu “double play” y hungadanan na momento oportuno. Pabien na nos seleccion, pabien na e coaching staf y manager y tur cu a duna nan aporte.

Seleccion di Aruba awo ta bay sigui prepara pa augustus nan biaha pa Williamsport na Pennsylvania pa representa Caribe completo den e gran World Series. Weganan aki lo ta bay ta en bibo riba ESPN.

Aruba cu Medaya di Brons den Mundial di Equitacion



Despues di 3 dia largo di competencia, Aruba ta conquista un Medalla di Brons den e Categoria di Amazonas 25+, un logro sumamente importante pa Lea Vink.

Durante un categoria cu a tarda 2 ora cu competencia hopi fuerte, Lea Vink a logra Medaya di Brons pa Aruba. Enfrentando competencia hopi fuerte di Puerto Rico, USA, Colombia, Corsou y Venezuela, Aruba a saca cara pa demostra e calidad cu nos tin den Equitacion.

Ariba diahuebs, e prome dia di competencia Mia Rose Tromp a haci un bunita presentacion pero no a logra clasifica pa sigui. Diabierna den su debut

den un Mundial, Zachary Cofie a clasifica entre 11 jinete pa e siguiente etapa, pero no a logra keda cu un di e 6 premiacion cu tin. Diasabra a cuminsa cu Courtney Irausquin, ken a haci un bunita recorrido pero entre competencia fuerte y di 4 ora, no a logra clasifica den e categoria di 15-17 aña.

Carolina de Cuba y Genesis Pietersz ambos a representa Aruba den categoria di 18-20 aña, caminda Genesis a logra clasifica entre 10 Amazona, y aunke a haya palabra di elogio di e hues, no a logra pa por a haya un cinta. Den un competencia caminda e pais anfitrión a domina mayoria di e categorianan y bay cu mayoria di medaya, OCA ta hopi orguyoso di e presentacion di nos Jinete & Amazona.

Ehecutivonan di FIFA ta reuni cu gobierno pa e proyecto di Turf di e 7 veld di futbol



FIFA Artificial Turf expert Alastair Cox hunto cu Jordan Victoire FIFA Regional Development Manager acompaña pa presidente di Arubaanse Voetbal Bond (AVB) Sr. Randolph Lacle, secretario general Sra. Dyane Wiersma y Sr. Pancho Croes Project Manager a haci un bishita na Minister President di Aruba Evelyn Wever-Croes y Minister di Enseñansa y Deporte Endy Croes pa dialoga tocante e fase final di e Proyecto di Turf pa e shete veldnan di futbol na Aruba.

Team di consehero Sr. Francis Croes y Sr. Chito Geerman tambe a acudi pa asina tur brinda apoyo pa realisa e

Proyecto di Turf. FIFA y AVB a confirma cu e shete veldnan inicial ta Nacional, Bubali, RCA, River Plate, Dakota, Estrella y La Fama. Tin algun rekisitonan cu mester atende y finalisa dentro di poco. E mandatario di Deporte ta indica cu e tabata un reunion exitoso. E proyecto aki lo eleva e nivel di futbol aki na Aruba. Esnan cu ta bin na remarke pa FIFA ta categoria di mucha, hoben y futbol femenino. Pronto FIFA lo t'ey bek pa firma un acuerdo pa e proyecto aki cu lo inicia comienso di aña 2025. Minister Endy Croes ta gradici Prome Minister Evelyn Wever-Croes, Gobierno di Aruba, FIFA, AVB y tur stakeholder cu hunto ta logrando proyectonan bunita pa e deporte di futbol.



De Algemene Rekenkamer
roept belangstellenden op voor de functie van **onderzoeker**

De Algemene Rekenkamer is het onafhankelijke controleorgaan van Land Aruba. Als een Hoog College van Staat, onderzoekt zij of de financiële middelen van het Land rechtmatig en doelmatig worden ontvangen en uitgegeven. Over de door haar uitgevoerde onderzoeken rapporteert de Algemene Rekenkamer aan de Staten en de verantwoordelijke ministers.

Informatie en aanmelding:

Wilt u als onderzoeker bij de Algemene Rekenkamer aan de slag en voldoet u aan de eisen? Stuur dan uiterlijk 15 augustus 2024 digitaal en in het Nederlands uw motivatiebrief en curriculum vitae, gericht aan de voorzitter van de Algemene Rekenkamer, mevr. drs. F.X.A. Croes-Williams. Deze kunt u sturen naar het e-mailadres rekenkamer@aruba.gov.aw. Eventuele nadere inlichtingen kunt u inwinnen bij de secretaris, mevr. drs. M A. de Jong-Curet bereikbaar op telefoonnummer 582-5448 of ma.curet@rekenkamer.aw.

Voor meer informatie over de Algemene Rekenkamer en de functie van Onderzoeker, ga naar onze website www.rekenkamer.aw

2,000,000

SUMMER

POINT GIVEAWAY

JULY 1 TO AUGUST 31

Win your share of \$20,000 in points!

20 WINNERS EACH DAY

You can win up to \$100 in Points!

Swipe and play free once daily. Earn 100 Slot Points or 8 Table Credits and play again — up to 5X each day

See Players' Club for full rules. Points can be converted to Free Slot Play.



Alhambra
CASINO AND SHOPS

Open daily 10am to 3am | J.E. Irausquin Blvd #47 | 583.5000 | casinoalhambra.com

Max Verstappen rabia cu plan di Red Bull mientras e ta caba na di cinco luga na Hungria

(NLTimes)—Max Verstappen mester a keda na di cinco luga na e Grand Prix na Hungria ayera. E campeon mundial tabatin un careda frustrante den su auto di Red Bull, bahando for di tercer pa di cinco.

Chauffeur Australiano Oscar Piastri a gana su prome Grand Prix di carera den su McLaren prome cu compañero Lando Norris, ken a ser ordena pa e equipo pa duna Piastri e posicion mas halto. Lewis Hamilton (Mercedes) a caba na di tres luga.

E drama a cuminsa riba e prome skina ora Verstappen, ganador di e dos caredanan anterior na e Hungaroring, a cuminsa for di tercer posicion y aparentemente a beneficia for di un comienso malo di Norris. Piastri tabata paden y a forsa Norris y Verstappen afo.

Sinembargo, pasobra e Hulandes a pasa e Britanico por medio di sali for di e pista, a inicia un investigacion, y Red Bull a instrui Verstappen pa laga Norris pasa atrobe. Verstappen a haci esaki a pesar di un protesta duro y despues a mira ambos McLaren core bay. “Ok, pues bo por djis pusha hen-

de for di pista e ora? Bo por bisa FIA cu nos lo core asina cuminsando awo, djis pusha hende for di pista.”

Na e prome pitstopnan, Red Bull a laga su chauffeurnan continua pa un tempo largo, cual a costa Verstappen un luga pa Hamilton. E campeon mundial a bin back pero no por a pasa Hamilton riba e circuito. Verstappen a purba riba su di 35 ronda pero no por a mantene e birada pafo. El a keha cu su auto no tabata bira skerpi y tambe tabatin Charles Leclerc den e Ferrari patras di dje.

Hamilton y Leclerc a gana tempo via un stop trempa riba Verstappen, ken a cay back pa di cinco luga tras di e Ferrari despues di su pit stop. El a rabia cu su quipo, bisando cu “ta basta impresionante cu nos ta laga nos mes ser bendi barata y completamente dañá mi careda.” El a agrega na esaki bisando despues cu “boso a duna mi un strategia malo. Mi ta purbando di salba loke a resta.”

Pa pasa Leclerc no tabata facil, mirando cu Verstappen a tuma par ronda pa logra. Despues el a fracasa pa pasa Hamilton e prome biaha y despues a bay pa un segundo intento e siguiente



ronda, durante cual el a calcula malo y a ser kita for di pista pa e Mercedes drentando. Verstappen por a sigui, pero el a keda patras di Leclerc.

Esaki a resulta den mas drama riba e radio di Red Bull, unda ingeniero Gianpiero Lambiasi a bis’e cu e ta comportando manera mucha. Mientras tanto Norris a tuma e avance for di Piastri cu un pit stop trempa, aunke e equipo tabata kier pa Norris dun’e back e avance. Despues di hopi insistencia, el a laga Piastri pasa, ken ainda a logra su prome victoria. Ham-


ilton a completa su di 200 careda na tercer luga.

Por medio di caba segunda, Norris a haya ocho punto riba Verstappen den e ranking di temporada. Verstappen ta prome cu 265 punto. Norris ta segundo cu 189 punto.

E Grand Prix Belga ta plania pa otro siman na e circuito di Spa-Francorchamps.

Potret di Ference ISZA pa ANP.

Team TU Eindhoven ta gana campeonato mundial di futbol robot



(NLTimes) – Team TU Eindhoven a bira campeon mundial den futbol robot riba diadomingo, segun e universidad ta reporta. Tech United a gana e final contra BigHeroX for di China 6-1.

E team di Eindhoven a gana pa di ocho biaha. E team Chines mester a competi cu un robot menos den e final pa motibo di un fuse defectivo.

Durante e cinco dia di e RoboCup 2024, e team Hapones, Hibikini-Musashi@Home a gana e categoria pa e miho robot den tareanan di hogar manera yena mashin di laba co’i kibra y trece koffie.

E competencia tambe a determina cua robot por ser mihor usa pa busca sobrevivientenan bao escombros despues di un desaster, cual Team Robotec a gana.

Segun director di e torneo, Rene van de Molengraft, e entusiasmo pa e RoboCup tabata grandi a pesar di calor. El a bisa tambe cu e participantenan a muestra con hopi e RoboCup ta “stimula ciencia y innovacion den robotica.”

Un total di 300 team a competi den cinco categoria. E torneo di robotica ta bay tuma lugar na Brazil proximo aña.

Oficialnan na California ta bisa cu corte di huicio mas grandi a bira victima di atake ransomware

(AP) — Un atake di ransomware (secuestro cibernetico) a shut down e sistema di computer di e corte di huicio mas grandi di e pais, segun oficialnan di e Corte Superior di Condado di Los Angeles, Merca, a bisa.

E atake di seguridad cibernetico a cuminsa diabierna trepan, y no ta kere cu e ta relaciona cu e update defectuoso di CrowdStrike cu a interumpi aerolinea, hospital y gobiernonan rond mundo, segun oficialnan a bisa den un declaracion diabierna.



E corte a deshabilita su red di sistema di computer na momento cu a descubri e atake, y ta bay keda down durante al menos weekend. Un investigacion preliminar no a muestra evidencia cu e datonan di usuarionan tabata afecta, segun e declaracion.

E Corte Superior di Condado di Los Angeles ta e corte superior unifica di mas grandi na Merca, sirbiendo e 10 miyon residente di e condado den su 36 cas di corte. Casi 1.2 miyon caso a keda documenta y 2,200 huicio cu hurado a ser conduci na 2022.

KLM ta ofrece pasaheronan rebooking di vuelonan cancela despues di caida global di Windows



(NLTimes) – Siguiendo e interrupcion global di computer diabierna, a bin caos den aeropuertonan Hulandes. Desde diasabra tardi, e aerolinea Hulandes KLM ta purbando book di nobo e vuelonan cancela pa pasaheronan.

KLM awo a duna tur pasahero kende nan vuelo cu e aerolinea a keda cancela pa motibo di e fayto mundial di computer un oferta pa rebooking den proximo dianan, segun un vocero di KLM. Sinembargo, e no por a bisa con hopi pasahero di KLM tabata afecta pa e interrupcion. Diabierna, ora e interrupcion a tuma lugar, KLM a cancela 155 vuelo. Diasabra, e aerolinea a cancela otro seis vuelo. Diadomingo, no a cancela mas

vuelo e conexion cu e fayto di computer, e vocero a reporta. KLM a suspende operacionnan di vuelo diabierna pa motibo di e fayto. E dia ey, e aerolinea a pidi su pasaheronan pa no bin Schiphol si nan vuelo tabata cancela of retrasa severamente. E cancelacionnan a causa problema na aeropuerto y aerolineanan mundialmente. E cancelacion a yega na mal momento, ya cu vakantie di berano na Europa ta nifica trafico peak pa aerolineanan. Diabierna, KLM a bisa cu tabata haciendo “tur loke por” pa purba rebook tur ticket di pasahero pa proximo dianan. Pasaheronan no ta bay ricibi compensacion pasobra, den e caso aki, e aerolinea ta experimentando force majeure, KLM a bisa anteriormente.

Despues di anuncio di modelo nobo, Sam Altman ta bisa cu ChatGPT mester cambia number

(NDTV) – Despues di lansamento di e modelo mas nobo, ChatGPT-4o Mini, hefe di OpenAI, Sam Altman a reconoce cu ChatGPT mester un “cambio den schema di number.”

Desde su inepcion, OpenAI consistentemente a utiliza e mesun sistema di number pa ChatGPT y su diferente versionnan.

Dia 18 di juli, OpenAI a anuncia un modelo nobo, cual a describi como “nos modelo chikito mas eficiente pa costo.” E CEO a comparti un post di esaki riba su cuenta di X,

bisando: “15 cen per miyon token di input, 60 cen per miyon token di output, 82% MMLU, y lihe.”

“Mas importante, nos ta kere cu hende ta bay realmente gusta usa e modelo nobo.”

Mientras hopi usuario a aprecia e producto, un usuario a comenta cu e number di e modelonan ChatGPT, cual a extende mientras e desaroyo di OpenAI a avansa, mester di cambio. Usuario Shea a responde na e post di Altman, bisando “boso mester un cambio den schema di number asina hopi.” E entrepreneur a tuma nota di esaki y

a responde, “lol, si nos mester.”

Un di e modelonan AI mas efectivo di e compania, GPT-4o Mini ta chikito y ta duna latencia minimo (e cantidad di tempo cu ta tuma pa muestra un respuesta.) OpenAI ta bisa cu e ta bay sostene texto, imagen, video y audio como tambe e vision (procesamento di imagen) y texto cu awo ta sosteni pa e API. “E modelo tin un bentana di contexto di 128K token, ta sostene hasta 16k token di output pa cada solicitud, y tin conocimiento te cu october 2023. Danki na e ‘tokenizer’ mehora comparti cu GPT-4o, maneho di texto



cu no ta na Ingles awo ta mas eficiente pa cu costo,” a agrega den e blog post.

OpenAI a bisa cu segun su Preparedness Framework, a usa tanto evaluacionnan au-

tomatico como humano pa seguridad. Pa detecta peligro potencial, e compania tambe a evalua e modelo AI cu 70 experto exterior di otro disciplinan.

Rapper Sean Kingston y su mama acusa formalmente cu cargo federal den schema di fraude di 1 miyon dollar

(AP)—Rapper y cantante Sean Kingston y su mama a ser acusa formalmente na South Florida riba cargonan federal di cometi fraude cu balor di mas cu 1 miyon dollar.

Kingston, 34, y su mama, Janice Turner di 61 aña, a aparece pa prome biaha diabierna den corte federal, segun historianan di corte. Un gran hurado di Miami a debolbe un acusacion na comienso di luna aki, acusando Kingston y su mama di participa den un schema pa estafa victimanan di vehiculo nan luhoso, joyas y otro producto via e uso di documentonan fraudulentamente.

Kingston tabata deteni na e Broward County jail riba car-

ganan estatal similar luna pasa despues di un detencion di dia 23 di mei na Fort Irwin, un base militar pa entrenamiento den e Mojave Desert di California unda e tabata presentando. Turner a ser deteni e mesun dia cu su yiu homber, ora un equipo di SWAT a redada su mansion na Fort Lauderdale, Florida.

Segun e acusacion federal, Kingston y Turner a declara falsamente cu nan a ehecuta transferencianan di pago pa productonan di luho mientras cu esaki no a sucede. Investigadornan a bisa cu Kingston y Turner tabatin cosnan cu balor di mas cu 1 miyon dollar a pesar di no paga pa nan.

E fianstanan pa e cargonan

estatal ta bisa cu for di october pa maart, nan a horta casi 500,00 dollar den joyas, mas cu 200,000 for di Bank of America, 160,000 for di un dealer di Cadillac Escalade, mas cu 100,000 dollar for di First Republic Bank y 86,000 dollar for di e fabricante di camanan personalisa.

E artista Jamaquino-Mericano tabatin un hit number 1 cu “Beautiful Girls” na 2007 y a colabora cu Justin Bieber riba e cantica “Eenie Meenie.”

Robert Rosenblatt, un abogado pa Kingston y su mama, no a responde na un mensahe punt-rando pa comentario for di AP. El a bisa den pasado cu e ta mira cu anticipacion pa adresa e cargonan y tabata “sigur di un



resolucion exitoso.”

Kingston, di ken su number legal ta Kisean Anderson, tabata sirbiendo un sentencia di libertad condicional di dos aña

pa trafica propiedad horta. Su mama a declara su mes culpable di fraude na 2006 pa horta mas cu 160,000 dollar y a sirbi casi 1.5 aña den prizon, segun e documentonan di corte federal.

David Letterman ta headline fundraiser di Biden cu gobernador di Hawaii dia 29 di juli



(AP)—David Letterman lo headline un fundraiser cu presidente Joe Biden den dies dia cu gobernador di Hawaii Josh Green. E evento lo tuma luga na cas di un amigo familiar na Martha's Vineyard, Massachusetts, Green a conta AP diabierna siman pasa. E lo e presentador iconico, ademas di Biden y prome dama Jill Biden.

E campaña tin al menos 10 otro evento durante e ultimo dies dianan di juli.

Letterman tabata presentador di e “Late Show” pa 22 temporada. E evento aki ta bin despues cu varios celebridad manera George Clooney, Rob Reiner y Stephen King a haci yamado na Biden pa sali for di e careda presidencial.

Green ta organisando e evento, y un persona familiar cu e plannan a conta AP inicialmente cu e fundraiser lo tuma luga na cas di Green, pero Green mes a clarifica despues cu esaki tabata pertenece na un amigo famil-

iar. Green a conoce e famia Biden pa varios aña—e omo di su casa tabata compañero di universidad di Biden.

Green a conta AP, “nos ta apoya presidente, e VP y e partido democratico, den

bon y malo pasobra e tabata t’ey pa nos como un famia y un estado.” Green ta gobernador di Hawaii desde 2022, manehando e estado durante e candelanan forestal devastador aña pasa.



De AFTA zoekt nieuwe collega's

Vacature

➤ (Senior) Onderzoeker

Vereist

➤ Een HBO/WO opleiding in een economische richting

Contact :

✉ info@afta.aw

☎ +297.280.0480

Wilt u als onderzoeker bij de AFTA aan de slag en voldoet u aan de gestelde eisen? Stuur dan uiterlijk 1 augustus 2024 uw motivatiebrief en bijbehorende curriculum vitae gericht aan dhr. E. Kross, MSc., info@afta.aw

Voor meer informatie over de functie kunt u onze website bezoeken:
<https://www.afta.aw/vacatures/>



Auto mal staciona a blokea e pasada di tram y tur trafico den Schelpstraat mester a warda



Diahuebs atardi un chauffeur irresponsabel a haya ta bon di staciona su auto di tal forma cu e tram no por a pasa y tur trafico tras di e tram tambe a keda pega

den e trafico.

Ta te ora e chauffeur a bolbe, e tram y e trafico por a sigui.

Candela di mondi a expande y bay kima un auto bieu



Diabierna atardi a drenta informe di cu tin un auto na candela na Alto Vista y e candela ta expandiendo, mesora a dirigi tanto polis como bombero na e sitio.

Na yegada di e patruxa a nota cu e auto bieu ta na candela y un pida mondi basta grandi. Na yegada di e bomberonan a inicia cu un combate fuerte y directo y a logra paga e candela por completo.

Chauffeur a bay dal tras di un auto riba Sasakiweg



Diabierna madruga a drenta informe di un accidente riba Sasakiweg, mesora a dirigi un patruxa na e sitio.

Na yegada di e patruxa a bin compronde cu un chauffeur lo no a regula su velocidad ni a mantene distancia a bay dal tras di e auto su dilanti. Afortunadamente ningun hende a resulta herida.

Polis a bay cu urgencia na Watergate pa un problema



Diahuebs anochi a drenta informe di un problema bayendo for di dilanti Watergate, mesora a dirigi un patruxa na e sitio.


Na yegada di e patruxa a bin resulta un problema entre un homber y un muhe cu ta biba na e mesun adres y e homber ta reclama e muhe di a coy 700 Florin for di dje na cas. Mirando cu esey lo a pasa na e cas, polis a bisa nan pa nan no resolve nan problemanan riba caya y a mustra nan e caminda pa cana.

Polis a detene turista coriendo auto bao influencia

Diabierna atardi a drenta informe di cu tin un auto coriendo malo riba e caminda di Tanki Leendert bayendo pariba, mesora a dirigi patruxanan riba caya pa wak si ta topa cu e auto aki.

Tabata trata di un Nissan cora di huur. Ta na altura di Tamarijn polis a logra topa y a para e auto maneha pa un turista. Ora polis a test e chauffeur, esaki a surpasa e limite di alcohol permiti pa ley y a deten'e.

Polis a pone e auto un banda y a hiba e detenido pa warda di polis.



Mas detencion na nos frontera na aeropuerto *Polis a detene un sospechoso*



Recientemente polisnan di frontera a detene un otro sospechoso na aeropuerto.

Nos a haci nos esfuerso pa haya sa e motibo y di cua nacionalidad, pero vocero mes no a haya detaye di e detencion aki. Manera cu esaki bira disponible nos lo trece esaki.

Persona a cay na supermercado na Madiki



Diabierna mainta a drenta informe cu tin un persona a cay y a keda benta abao den un supermercado na Madiki, mesora a dirigi tanto polis como ambulance na e sitio.

Na yegada di e patruya a bin compronde cu e dama lo a bebe un poco di mas y tabata bisa cu su pia a lag'e na caya. Na yegada di e ambulance nan a atend'e y a laga e dama den man di polis pa percura pa e dama yega su cas.

Team di aresto a haya nan vehiculo di transporte nobo



Recientemente e Team di aresto a ricibi nan vehiculo di transporte specialmente ekipa, nos a logra capta un foto di e vehiculo aki!

Polis a duna algun ora di prohibicion pa core auto despues di a accidenta



Diabierna anochi a drenta informe di un accidente na Turibana, mesora a dirigi un patruya na e sitio.

Na yegada di e patruya a bin haya un pareha Hulandes Europeo bao influencia cu a baha caminda drenta mondi cu e auto. Ora polis

a test e chauffeur esaki a supla net na e rand pa no deten'e; pero a dun'e un prohibicion di core auto pa algun ora.

E homber tabata musta mas bebi cu e dama. Afortunadamente ningun hende a resulta herida.



ARUBA AIRLINES - JOB OPPORTUNITY

Human Resources Coordinator

Job responsibilities:

The HR Coordinator is in charge of:

- Responsible for processing payroll
- Filing employee records accurately
- Calculate, reconcile, and run payroll reports
- Record data in the Payroll Pro Self Portal
- Conduct interviews and evaluate candidates. Ensure the accuracy of pension enrollments
- You are responsible for recruitment, selection, onboarding, and all HR-related aspects such as labor market registration, personnel register, permit, etc.
- To ensure that Aruba Airlines complies with all relevant labor laws and regulations
- As an HR coordinator you act as the point of contact for employees on HR-related matters

Job requirements:

- Education level minimum MBO and minimum 3 years' experience in similar position.
- Knowledge of personnel policy and Aruban law and regulations.
- Fluent oral and written skills in English, Dutch, Papiamentu is an advantage.
- Knowledge and experience with Payroll Pro HRM, Employee Self Portal program is an advantage.
- Knowledge of MS WORD, EXCEL & Outlook is an advantage.
- Able to work independently in a dynamic environment
- Able take initiative, are flexible and have a hands-on mentality, you have a problem-solving mindset
- Between 25 - 45

Please send your application letter, resume, diplomas, and other relevant documents to:
Human Resources Department: mirurgia.ras@arubaairlines.com Tel: 290-8300 ext. 107.
Deadline to submit your application is July 31st, 2024.

Polis a detene chauffeur coriendo auto bao influencia



Diasabra anochi polisnan di distrito 4 (Santa Cruz) a para un Mitsubishi Lancer blauw coriendo malo na altura di rotonde Mahuma.

Durante e control polis a test e dama chauffeur y el a supla surpasando e limite. Polis a detene e dama.

Motociclista herida den un accidente na Saliña Cerca




Diasabra madruga a drenta informe di un accidente cu hende herida na Saliña Cerca, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu un chauffeur a bay bira na su man robes sin a duna preferencia na

un motociclista cu a bay pas'e. E motociclista a purba kita p'e pero a hay'e cu un otro auto y a hay'e ta bula pa evita un impacto mayor y toch a cay abao y e tire di auto a herid'e.

Na yegada di e ambulance nan a atende y a transporte pa hospital. Un familiar a hiba e brommer. E daño na e autonan ta minimo.

Motociclista biniendo for di nort a bay dal tras di auto riba rotonde



Diadomingo madruga a drenta informe di un accidente cu hende herida na e rotonde banda di Superfood, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente entre un auto cu a sigui bay y un brom-

mer. Un rato despues e chauffeur di d auto a bolbe na e sitio y a declara na polis cu e tabata envolvi den e accidente.

Na yegada di e ambulance nan a atende e motociclista y a transport'e pa hospital.

Chauffeur di auto staciona a subi caminda sin duna preferencia



Diasabra mainta a drenta informe di un accidente den Ooststraat, mesora a dirigi un patruya na e sitio.

Na yegada di e patruya a bin compronde cu e chauffeur di e Mazda

cual tabata staciona a bay subi e caminda pero no a duna preferencia na e Toyota RAV cu tabata pasando riba e caminda y nan a dal den otro. Afortunadamente ningun hende a resulta herida.

Trahandu banda di dje, palo di luz a bin abao



Diasabra mainta a drenta informe di cu un palo di luz a bin abao banda di Young Fellow na Barcadera, mesora a dirigi un patruya na e sitio.

Na yegada di e patruya a mira cu e palo di luz ta schuins mita na halto pero e wairanan ta riba caminda. For di esnan presente por a compronde cu nan tabata trahando banda di dje y diripiente e palo a bin abao sin a mi-shi cune.

Sinembargo, despues cu polis di trafico a presenta a bin descubri cu un operador di e backhoe a dal un schoordraad y e palo di luz a bin abao. Polis a hala atencion di e operador di e backhoe cu si e duna informacion robes of e gaña e por bay cera. E ora ey numa el a admiti.

A avisa ELMAR NV pa bin drecha e situacion.

Na un adres conoci pa polis

A confisca scooter horta y auto usa pa horta e scooter y a detene sospechoso



Diadomingo madruga un persona di ken nan a horta su scooter a yama polis bisa cu e GPS riba su scooter horta e dia prome ta señala cu esaki ta den Semeleerstraat. E doño a bay na e dicho caya y a wak e auto cu a ser usa pa horta e scooter para dilanti e cas.

Mesora el a yama polis y nan a presenta na e adres. Eynan a sali un dama pa check kico ta pasando y eynan polis a puntr'e pa e scooter.

Na prome instante el a nenga, pero despues a mustra unda esaki ta y polis a haya e scooter horta tambe. Polis a confisca e auto e scooter y a detene e dama como sospechoso di lo ta envolvi den e caso di ladronicia. Na yoramento mes nan a bay cune como sospechoso.

Awor ta na e dama pa e canta kendenan a horta e scooter of e ladronnan mes bay entrega nan mes.

Accidente cu impacto basta fuerte y dos hende herida



Diadomingo madruga a drenta informe di un accidente cu hende herida banda di ex-Pacifico Bar Restaurant na Paradera, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente pa falta di preferencia unda un Mitsubishi Lancer biniendo for di Jaburibari

no a duna preferencia na e Kia Forte biniendo for di Piedra Plat.

E Kia Forte a dal e Lancer cu a sali su dilanti mand'e bay dal riba e cura di e cas. Debi na e fuerte impacto 2 persona a resulta herida. Na yegada di e ambulance nan a atende e victimanan y a transporta ambos den 2 diferente ambulance pa hospital.

Dos persona a keda herida despues di un pelea na un club nocturno na Palm Beach



Diadomingo madruga a drenta informe di un pelea na un club nocturno na Palm Beach, mesora a dirigi patruya na e sitio.

Na yegada di e patruya a bin compronde cu ya e pelea a caba y 2 persona a keda levemente herida cu kap na cabes. Polis a papia cu nan y a bisa nan nan derecho si nan kier entrega keho.

Dia 31 di juli ta ultimo dia pa entrega declaracion definitivo di winstbelasting 2023 y haci pago correspondiente

Dia 31 di juli proximo ta e ultimo dia cu por entrega e declaracion definitivo di winstbelasting 2023 y haci e pago correspondiente. E fecha final ta wata 1 di juli 2024. Riba petition di e asociacion di conseheronan fiscal, Departamento di Impuesto a dicidi pa duna e contribuyentenan un poco mas tempo pa motibo di introduccion di e formulario digital nobo y ta brinda asina tur contribuyente incluso nan consehero fiscal un luna mas di tempo pa por cumpli.

Manera conoci, entrante año fiscal 2023 mester entrega e declaracion di winstbelasting den forma electronico via e portal “BO impuesto”.

Entrega e declaracion y haci pago

E ultimo dia pa entrega e declaracion y haci e pago di winstbe-
lasting di aña 2023 ta bira 31 di juli 2024. Si acaso no ta alcanza
pa entrega e declaracion definitivo pa dia 31 di juli proximo, lo
mester entrega e declaracion provisional (voorlopige aangifte)
y haci e pago correspondiente no mas laat cu dia 31 di juli 2024.
Inspector lo evalua e peticion y si e contribuyente cumpli cu e
condicionnan pa extension, e ultimo dia pa entrega e declara-
cion definitivo y haci e pago correspondiente ta bira dia 2 di
december 2024.

Incumplimento

Contribuyentenan cu no cumpli cu entregamento di e declaracion definitivo, lo haya un cobransa adicional esta un 'naheffingsaanslag' inclui boet. Mescos ta conta si acaso e cliente a paga un suma menos cu locual el a declara na winstbelasting. E boet pa incumplimento di entregamento di e declaracion ta maximo Afl. 2,500. Si e contribuyente no haci e pago di winstbelasting of no haci e pago corectamente, e boet ta maximo Afl. 10.000.



Departamento di Impuesto ta conseha tur contribuyente di winstbelasting y/of nan conseheronan fiscal pa no warda te na ultimo pa entrega e declaracion y haci e pago di winstbelasting correspondiente pa evita un cobranza adicional (naheffingsaanslag) y e boet pa incumplimento.


Sintonisa
programa en
conexion cu
introduccion di
Papiamento den
klas 1 di scol
basico dialuna,
22 di juli 2024
TeleAruba y Canal 22
lo ta en bibe desde 9or
di anochi

**Manera ta conoci, entran-
te aña escolar 2024-2025,
e alumnonan di klas 1 di
scol basico lo siña lesa
y skirbi na Papiamentu.
Lo duna Hulandes cu un
acercamento nobo cu ta
pas mas den e contexto di
nos muchanan.**

E ta científicamente proba cu si e muchanan forma un base fuerte den nan propio idioma, nan por siña e otro idioma nan hopi mas facil y miho. Ademas, siña lesa y skirbi den idioma materno Papiamentu lo haci cu e muchanan lo compronde loke nan ta skirbi y lesa y lo stimula nan habilidadnan di siña en general. Esaki lo ta beneficioso pa e muchanan, mirando cu nan lo bira critico di pensamiento y lo ta mas prepara pa duna nan opinion durante les. Ademas di esaki, nan por conecta miho cu nan raiz cultural. E muchanan lo sinti mas sigur den nan proceso di siñamento, pasobra esaki ta alinia cu nan idioma materno y nan cultura. Pueblo di Aruba ta cordialmente invita pa sintonisa programa en conexion cu introduccion di Papiamentu den klas 1 di scol basico a traves di TeleAruba, Canal 22 y pagina di Facebook Gabinete Wever-Croes, cuminsando 9 or di anochi.

Resultado Sorteo

20 y 21 juli 2024



Cadena Alexander Lottery ta presenta resultado di weganan di suerte

DIADOMINGO			
DIARIO	KORSOU	SUPER4	FLAMINGO
9648	2986	0829	2037
2965	8804	SUPER5	9240
0271	6804	-	4523

DIARIO	KORSOU	SUPER4	FLAMINGO
8934	4133	2202	6891
6399	3503	SUPER5	8774
5979	1668	40460	8715

MERDIA

ANOCHI

DIADOMINGO MERDIA

<div><div>CATACHI</div><div>Sorteo # 4332</div><div>7996</div><div>0754</div><div>5301</div><div>MULTI-X</div><div>X2</div><div>BIG 4</div><div>Sorteo # 4332</div><div>1065</div><div>MULTI-X</div><div>x2</div><div>YFF</div><div>Sorteo # 2388</div><div>3516</div><div>ZODIAC</div><div>Sorteo # 4332</div><div>9708</div><div>Capricorn</div><div>LUCKY 3</div><div>Sorteo # 1206</div><div>757</div><div>MULTI-X</div><div>Fp</div></div>	<div><div>CATACHI</div><div>Sorteo # 8299</div><div>3510</div><div>3981</div><div>6744</div><div>MULTI-X</div><div>x2</div><div>BIG 4</div><div>Sorteo # 7343</div><div>0121</div><div>MULTI-X</div><div>x2</div><div>YFF</div><div>Sorteo # 2048</div><div>4370</div><div>ZODIAC</div><div>Sorteo # 6102</div><div>9806</div><div>Cancer</div><div>LUCKY 3</div><div>Sorteo # 1032</div><div>374</div><div>MULTI-X</div><div>x2</div></div>	<div><div>LOTTO 5</div><div>Sorteo # 2511</div><div>0 x Jackpot</div><div>0 x Match 4+</div><div>5 x Match 4</div><div>194 x Afl. 12,00</div><div>08-13-22-28-34</div><div>Joker 26 Letter K</div><div>Proximo Jackpot</div><div>120.000,-</div><div>LOTTO DIA</div><div>Sorteo # 6538</div><div>0 x Jackpot</div><div>7 x Match 4</div><div>161 x Afl. 8,00</div><div>07-12-14-20-21</div><div>Proximo Jackpot</div><div>56.000,-</div><div>MEGA</div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl 50,00</div><div>0 x Afl.15,00</div><div>380.000,-</div><div>Afl. 520.000,-</div><div>MEGA</div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl 50,00</div><div>0 x Afl.15,00</div><div>380.000,-</div><div>Afl. 520.000,-</div><div>KORSOU</div><div>Sorteo #</div><div>QR</div></div>	<div><div>CATACHI</div><div>Sorteo # 4333</div><div>6593</div><div>8838</div><div>0993</div><div>MULTI-X</div><div>fp</div><div>BIG 4</div><div>Sorteo # 4333</div><div>2144</div><div>MULTI-X</div><div>x2</div><div>YFF</div><div>Sorteo # 2389</div><div>5293</div><div>ZODIAC</div><div>Sorteo # 4333</div><div>2582</div><div>Aries</div><div>LUCKY 3</div><div>Sorteo # 1207</div><div>528</div><div>MULTI-X</div><div>Fp</div></div>	<div><div>LOTTO 5</div><div>Sorteo #</div><div>0 x Jackpot</div><div>0 x Match 4+</div><div>0 x Match 4</div><div>0 x Afl. 12,00</div><div>Joker Letter</div><div>Proximo Jackpot</div><div>120.000,-</div><div>LOTTO DIA</div><div>Sorteo #</div><div>0 x Jackpot</div><div>5 x Match 4</div><div>111 x Afl. 8,00</div><div>05-09-20-22-25</div><div>Proximo Jackpot</div><div>58.000,-</div><div>MEGA</div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl 50,00</div><div>0 x Afl.15,00</div><div>380.000,-</div><div>Afl. 520.000,-</div><div>MEGA</div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl 50,00</div><div>0 x Afl.15,00</div><div>380.000,-</div><div>Afl. 520.000,-</div><div>KORSOU</div><div>Sorteo #</div><div>QR</div></div>
---	--	---	---	---



Pronostico di tempo

Tempo

Temporalmente hopi nubia cu un awasero breve.

Temperatura maximo 34 grado Celsius.

Temperatura minimo 28 grado Celsius.

Indice di calor (heat index) den y rond di oranan di merdia: 35 pa 40 grado Celsius.

UV index: 12.

Bahada di solo: 7:09 pm.

Subida di solo: 6:24 am.

Biento

Moderate te basta fuerte for di generalmente direccion oost;

forsa 4 te 5 (20 te 39 km/ora, 11 te 21 nudo).

Durante di dia fuerte te duro den rafaga; Forsa 6 te 7 (40 te 61 km/ora, 22 te 33 nudo).

Situacion general di tempo

Na e momentonan aki no tin disturbio di importancia pa weer local. Humedad disponible den nivelnan mas abao di atmosfera por induci localmente un awasero breve, esaki principalmente den oranan di marduga y mainta di dialuna.

Concentracionnan varia di stof di Sahara den region lo stroba visibilidad y trece aire di calidad poco abao. Hendenan cu tin sensibilidadnan respiratorio ta wordo



conseha pa tene cuenta cu esaki.

Condicion maritimo/ estado di lama

Na partinan proteje di costa: keto, rond di 1 pia.

Na partinan zuid: trankil te modera entre 2 pa localmente 3 pia.

Na partinan oost te noordwest di costa: generalmente modera cu olanan alrededor di 4 pa 5 pia.

Zoologico na Florida ta protege animalnan di calor di berano



(AP) — Tigernan Malayan y morocoy Aldabra ta nativo pa teranan cayente y humedo, pero esey no ta nifica cu nan no ta disfruta un treat frozen den un dia cayente di berano na Florida.

Temperatura na sur di Florida e luna aki a alcanza mita di 30C cu humedad alcansando 70%, combina pa temperatura cu ta “sinti” como mas di 38C.

Trahadornan na e Palm Beach Zoo & Conservation Society ta usa un variedad di tecnica pa tene nan animalnan fresco. E trahadornan ta tira ijs riba e habitat di beer preto pa e ani-



malnan baña aden, friando nan pool na 23C. E otternan ta haya blok'i ijs y pisca frozen den nan awa pa hunga y come.

E Tigernan ta come treatnan mas ingenioso: weso frozen di baca hinca den blok'i ijs, hunto cu lech'i cabrito frozen. Nan tambe gusta landa.

Morocoy gigante, nativo na e islanan di Ocean Indio, ta disfruta shower friu for di un slang, cual nan ta sinti door di nan casca.

Bishitantenan di e zoologico ta stima mira e animalnan refresca y mucha ta primi nan cara riba e glas pa un miho bista.

Comediante di 89 aña recuperando despues cu el a haya mokete den cara riba caya di New York

(AP)—Un comediante di 89 aña ta recuperando despues di a haya un mokete den cara mientras e tabata crusando un caminda na New York na comienso di luna.

D'yan Forest a bisa cu el a bay busca koffee y tabata bayendo na un centro di piscina ora un hende a bin tras di dje y a dal e den wowo. El a keda drumi riba suelo den shock mientras cu polis a bin yud'e.

“M'a kere cu mi a perde bista pasobra mi no por a wak nada,”

Forest a bisa. Su bista a regresa algun ora despues mientras e tabata hayando test na hospital. Polis a bisa diasabra cu e sospechoso femenino den e incidente di dia 10 di juli tabatin un color di cuero bruin cla y tabatin vlecht den su cabey, y tabatin bisti un tank top y short cu un logo di Jurassic Park. Forest a bisa cu el a biba na Greenwich Village desde 1966 y nunca a experencia algo malo cune. Forest tin e record mundial pa ta e comediante mas bieu cu ainda ta trahando. el a

bisa cu su prome pensamiento despues di cay riba suelo ta si e por presenta pa su show dia 29 di juli. Pero el a bisa cu su wowo ta curando.

TA BUSCA

Los Cafeteros Restaurant ta busca

Waiter, First Cook, Cook Helper, Cleaner, Cashier, Dishwasher

Yama entre 10:00 am - 5:00 pm
587 7004 / 560 6892

218133



Dokter na warda

Oranjestad San Nicolas
Hospital Imsan
7:00 pm / 10:00 pm **24 ora**

Botica na warda

Oranjestad: San Nicolas:
Central Seroe Preto
Tel. 585 1965 Tel. 584 4833

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

Aruba Transfer Tour & Taxi C.A.

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17 B Aruba

297-588-9591

www.famiaplanea.org

famiaplanea@hotmail.com

com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)

Tel: 736-2952 or

593-7081

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Salmo 91
"Bou di alanan di Dios mi ta sigur"
Abo ku ta biba bou di amparo di Altisimo, ta hospeda den sombra di Dios Omnipotente, bisa Señor:
"Mi refugio, mi forti, mi Dios, den kende mi ta pone konfiansa"
Salmo 91:1-2

Cu inmenso dolor na nos curason, pero conforme cu boluntad di Dios, nos ta participa fayecimento di nos mama, wela, bisawela, ruman y tanta:



Albertina Maduro-Boekhout

Viuda di Fernando "Boei" Maduro
Mihor conoci como "Manira" of "Iña"
★ 21-07-1935 - † 17-07-2024

Na number di su:
Yiunan: Randy y Betina Maduro-Mauricio
Noraida y Benjamin Montalvo-Maduro

Nietonan: Jason y Miraila Maduro-Thiel
Kevin y Anaïs Montalvo-Maduro
Roxanne Montalvo

Bisanietonan: Yasmira Maduro
Yahmir Maduro
Jazion Maduro

Rumannan: † Jacobito Boekhout
† Eufrazio "Elio" Boekhout
† Rudolf Boekhout
Sofia Maduro-Boekhout
Sirma Ridderstap-Boekhout
Raul Boekhout
Efigenio Boekhout

Cuñanan: Bea Boekhout-van Dijk
Catharina Angela-Maduro

Mama di su nieto: Gina Erasmus

Amigonan di cas: Sofia y Juancho Irausquin
Anthony Irausquin y familia
Ady y Pilar Maduro
Dokter Mungra

Su prima y primonan, subrina y subrinonan, cuñanan, ihanan, amiga y amigonan y bisiñanan

Conocirnan y demas familia: Maduro, Boekhout, Mauricio, Montalvo, Thiel, Jansen, Croes, Ridderstap, Castaño, Van Dijk, Angela, Geerman, Irausquin, Tromp, Arends, Vrolijk, Erasmus, Flemming, Soto, Ruiz, van Oversteeg

Nos disculpa cu si den nos tristeza nos por a lubida di menciona un of otro familia

Acto di entierio lo tuma lugar Dialuna 22 di Juli 2024 di 2:00 PM pa 4:00 PM na misa Santa Filomena na Paradera y despues lo sali bai pa santana catolico na Paradera.

Nos ta lamenta cu despues di entierio nos no por ricibi bishita di condolencia na cas

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Liefde Is Onze Kracht
Altijd!
"Lioka"

Dios bo ta creador di hende y di tur cos. Bo ta doño di bida, bo ta duna nos fortaleza.

Famia Winterdal y Tempelaars ta anuncia e transicion di nos ser stima,



Sra. Margarita Winterdal Ras

Cariñosamente yama "Rita" of "Lioka"
26-01-1945 - † 18-07-2024

Na number di Fermiliano "Frenk" Winterdal, Mirscha Winterdal, Nathalie, Najély y Jean-Paul Tempelaars, Adrianus "Buchi Ady" Maduro y familia.

Rumanan:
Maxima "Minchi" y Paul Laio-jen y familia
George Ras y Berkis Almonte y familia
Grecelda "Grace" Ras y familia
Nicasio "Nick" Ras y familia

Subrino y subrinanan cerca:
Sue-Ann y Sue-Lan Liao-jen y familia, Benjamin Wefer y familia, Eric Maduro

Tanta y omonan:
Catharina Hernandez y familia, Paulus Rasmijn y familia, Anna Panneflek y familia, Maria Luisa y Federico Angela y familia

Cuñanan y swanan:
Marichi y Frans van Vught, Adriana Maduro-Winterdal y familia, Feliciano "Vito" Winterdal y familia, Ramoncito Winterdal y familia, † Jacobo Winterdal y familia, † Djossy Winterdal y familia, † Luciano Winterdal y familia, † Ambrosio Winterdal y familia, † Mario Winterdal y familia.

Amiganan di ex-Aruba Caribbean Hotel:
Betty Canhigh y Norine Wolff

Colleganan di APG, padvindsters di Theresia Groep, Fraters y Sorors di Aruba Chapter AMORC. Subrino y subrinan, bisiñanan y demas familia Farro, Rasmijn, Ras, Panneflek, Angela, Hernandez, Wefer, Tempelaars, Wouter, Van de Linden, Geerman, Everon, Thodé, Vrolijk, Thiel.

Ta invita tur familia, amigo, conocirnan y bisiñanan pa e acto di entierio cual lo tuma lugar na Misa Santa Theresita na San Nicolas. Diamars mainta dia 23 Juli, 2024 di 9:00a.m.-11:00 a.m. Despues di misa nos defunto stima lo wordo crema den seno familiar.
Nos ta pidi pa bisti colornan alegre.

Nos disculpa si den nos tristeza nos por a lubida algun familiar of amigo.

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Autor: Cado Wever



Cu dolor na nos curason, nos ta participa fayecimento di nos ser stima:

Sr. Mario Donata

cariñosamente yama "Papi, Mai of Mo Mai"
★ 06-02-1933 - † 18-07-2024

Na number di su:

Mayornan:

†Eugenia Kock

†Domingo Donata

Yiu Stima:

Sonja Franken

Nieto y nieta cu ela stima masha:

Agbert Croes y Jaycee Oduber

Sjarissa Croes y Josmar Koolman

Bisanieta- y nieto cu ela stima masha hopi:

Sjarylucan, Silianne, Akylaah, Alejandra, Jaybert, A-Jay

Rumannan:

†Francisco Donata

Ilda Chirino y yiunan na Curaçao

†Imelda Donata y yiunan

Benny y Miledy Donata y familia

Dodo Donata y yiunan

†Gabriel y †Carmen Donata y yiu

Wein y †Olga Donata

Janni y Norinda Donata y familia

Sobrino- y sobrinanan, Primo- y primanan

Su bon bisiñanan:

Chandy Donato y familia

Rumannan Dijkhoff y familia

Tony y familia

Staff y personal di Paviljoen (Orquidea)

Su amigo: Nicolaas

Demas familia: Donata, Kock, Franken, Croes, Koolman, Oduber, Chirino, Canela, Trimon, Clement, Goeloe, Quandus, Rasmijn

Acto di entierio lo tuma lugar na Misa Sta. Filomena na Paradera, diamars 23 di juli 2024, di 2or pa 4or di atardi. Despues lo sali pa Santana Catolico Pastoor Kraanwinkel na Paradera.

Nos disculpa si den nos tristesa nos por a lubida algun familiar.

Aurora

Royal Pray

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil, Pa mi bolbe haña forsa".
Salmo: 23



Nos ta anuncia fayecimento di:

Francisco Kelly

Mihor conoci como: "Fanky"
★ 27-03-1935 - † 18-07-2024

Acto di entierio lo wordo anuncia despues.

Biden ta retira di eleccion 2024 despues cu debate desastroso a empeora preocupacion pa su edad



(AP) — Presidente Joe Biden a retira di Eleccion 2024 pa Cas Blanco ayera, cabando su campaña pa reeleccion despues cu un debate desastroso cu Donald Trump a genera duda tocante e capacidad di e incumbente pa e cargo. E anuncio sin precedente, haci menos cu cuatro luna prome cu eleccion, inmediatamente a sacudi un campaña cu ambos partido politico ta mira como e mas consecuente den generacionnan.

E presidente — cu intencion pa sirbi e resto di su termino a cargo — rapidamente a duna sosten na vice-presidente Kamala Harris pa enfrenta Trump y a curasha su partido pa uni tras di Harris, haciendo Harris a favorito instantaneo di e partido pa e nominacion na su convencion na Chicago na augustus. E anuncio ta e sacudi mas recien den un campaña tumultoso pa Cas Blanco, biniendo un siman despues di e intento di asesinato contra Trump na un rally na Pennsylvania. Un presunto nominado presidencial nunca a yega di retira di e campaña asina cerca di eleccion. E decision di Biden ta yega despues cu mas di 14 milyon Democrata a emiti voto sosteniendo e den e proceso primario. E decision di Biden pa retira a yega despues di presion aumentando for di su aliadonan Democrata pa retira despues di e debate dia 27 di juni, den cual e presidente, 81, a duna contestanan sin sentido y a faya di cuestiona e cantidad di mentira di e ex-presidente. “Tabata e honor mas grandi di mi bida pa sirbi como boso Presidente. Y mientras tabata mi intencion pa busca reeleccion, mi ta kere ta den miho interes

di mi partido y di e pais pa mi baha y pa enfoca solamente riba cumpli cu mi debernan como Presidente pa e resto di mi termino,” Biden a skirbi den un carta publica ayera riba su cuenta di X. Casi 30 minuut despues di duna e noticia cu e tabata cabando su campaña, Biden a duna su sosten na Harris. Tabatin señalnan trempan cu e partido tabata moviendo pa uni tras di Harris, kende a sigura e sosten di e Congressional Black Caucus y ex-presidente Bill Clinton y ex-Secretario di Estado Hillary Clinton hasta prome cu el a comenta riba e decision di Biden pa retira di eleccion. Pero notablemente, ex-presidente Barack Obama no a hacie, primintiendo su sosten pa e eventual nominado di e partido. Obama, kende di manera priva a comparti duda tocante e chens di Biden pa reeleccion, no a sostene Harris hasta ora el a elogiar Biden pa su decision pa bandona e campaña. “Mi tin confiansa extraordinario cu e lidernan di nos partido lo ta capaz di crea un proceso for di cual un nominado resaliente ta bin dilanti,” el a bisa den un declaracion. Awo, Democratanan mester trece coherencia urgente na e proceso di nominacion den apenas algun siman y convence votadornan den un cantidad asombrosamente cortico di tempo cu nan nominado por cu e trabao y por derota Trump. Di su banda, Trump mester cambia su enfoque riba un oponente nobo despues di añanan di pone su atencion riba Biden. E decision ta marca un fin rapido y asombroso na e 52 año di Biden den politica electoral. Ainda mester wak si otro candidatonan ta bay reta Harris pa e nominacion.

China y Filipinas a yega na un acuerdo pa stop conflictonan riba banco maritimo disputa

(AP)—China y Filipinas a yega na un acuerdo cu nan ta spera lo trece un fin na e conflictonan riba e banco maritimo mas disputa den e South China Sea, segun e gobierno Filipino a bisa ayera.

Filipinas ta ocupa e Second Thomas Shoal pero China ta declara esaki como di dje tambe, y conflictonan hostil riba lama a causa miedo y conflictonan mas grandi cu por envolvi Merca.

A yega na e trato crucial ayera, despues di un serie di reunionnan entre diplomatanan Filipino y Chines na Manila y intercambionan di notanan diplomatico cu tabata diseña pa establece un areglo mutuo relaciona cu e banco sin reconociendo e declaracion di ambos banda riba e teritorio.

Dos oficial Filipino, ken tin conocimiento di e negociacionnan, a confirma e trato riba condicion di anonimidad y e gobierno a publica un declaracion anuncia e acuerdo sin duna mas detaye. “Ambos banda ta sigui reconoce e necesidad pa de-escala e situacion den e South China Sea y maneho diferencianan via dialogo y consulta y ta acorda cu e acuerdo no lo perhudica e posicion di ambos banda den e South China Sea,” segun e departamento di Asunto den Exterior na Manila.

China ta den disputa cu varios gobierno relaciona na tera y fronteranan maritimo, hopi di nan den e South China Sea, y e acuerdo cu Filipinas por crea speransa cu por acuerdonan similar por ser crea pa Beijing y otro rival pa asina preveni conflicto mientras cu e problemanan teritorial ta keda sin resolucion.



Sinembargo, ainda mester mira si e trato por ser implementa exitosamente y con largo e lo dura.

E warda costa Chines y otro forsan a usa cayonnan di awa y maniobranan di blokeo peligroso pa asina preveni cuminda y otro material yega e personal di armada Filipino na e puesto di Manila den e banco.

China y Filipinas a culpa otro pa e confrontacion y cada un a declara su derechonnan soberano riba e banco, cual Filipinas ta yama Ayungin y China ta yama Ren'ai Jiao.

Ademas di China y Filipinas, Vietnam, Malaysia, Brunei y Taiwan ta envolvi den disputanan separa pero tenso den e ruta maritimo, cual ta ser considera como un punto di conflicto y un punto delicado den e rivalidad regional di Merca y China. E ehercito Mericano a desplega barconan di armada y fighter jets pa decadas den loka nan ta yama patruya di nabegacion, cual China a opone y ta considera como un menasa pa estabilidad regional.



Na memoria di Soror Rita Winterdal-Ras

Cu hopi pena nos a ricibi e noticia tristo cu nos kerida Soror Margarita Winterdal-Ras a fayece. Banda di nos tristesa nos tin toch un sentimento di gratitud pa e hecho cu e tabata forma parti di nos Ordo y pa tur e trabownan cu ela haci pa nos.

Durante mas di 40 año Soror Rita a yuda tene e luz di e Ordo Rosacruz cendi. E tabata zorg entre otro pa tur nos trabownan di contabilidad cana bon.

Sinembargo nos sa cu e fayecimento aki na mundo ta para igual cu e pasamento di nos alma pa e mundo spiritual. Nos por ta sigur cu nos soror Rita a traspasa e drempel di e mundo spiritual aki y a libra di tur e cadenanan di e mundo material aki y lo haya su lugar den e mundo cosmico y spiritual. Ta pesey nos tin di sali for di e tristesa aki y kier concentra ariba dje den su mundo nobo, mas serka di Dios.

Na su esposo Frank y su yiunan Mirscha y Nathalie y tur demas famia, ta bay nos miho deseonan di forsa den e dianan aki y cu nan por ta sigur cu Soror Rita ta feliz caminda e ta y ta disfruta di e amor di Dios.

Directiva di Ordo Rosacruz Aruba, AMORC.

Bangladesh: Corte Supremo a anula ley polemico cu a causa protesta

(DW) – Corte Supremo di Bangladesh ayera diadomingo a anula parcialmente e orden hudicial cu tabata permiti duna empleo na descendientenan di veterano di guerra di independencia, un privilegio cu a causa protestanan estudiantil multitudinario y un ola di violencia cu mas di un centenar di morto.

Den un audiencia special celebra di manera lihe, debi na violencia riba cayan, corte a dicidi anula pa “ilegal” e decision di Tribunal Superior di Dacca emiti luna pasa, cu tabata permiti na Gobierno pa otorga un tercio di empleo na descendientenan di combatiente di guerra di liberacion di Bangladesh na 1971.

Cu esey, tribunal maximo di e pais a ordena un restructuracion total di empleonan den servicio publico cu a baha di 30% pa 5% pa yiunan di combatientenan, y un 2% pa minoria etnico of personanan cu algun discapacidad, segun abogado Shah Monjurul Haque, representante di studiantenan a bisa.

Sala di apelacion a duna un solucion na un cuestion hudicial.



E solucion ta cu, considerando e situacion actual, e cuota general ta bay ta di 93%, y otro 5% pa descendientenan di e luchadonan pa e libertad, 1% pa minoria etnico y un 1% pa esnan cu algun discapacidad y personanan transgenero, segun el a indica den e portanan di e tribunal.

Esaki ta nifica cu 93% di empleo gubernamental mester wordo asigna pa merito. Esey

ta e reclamo principal di studiantenan cu a bay riba caya dos siman atras cu un movimiento cu a bira violento den ultimo dianan cu represion di forsanan di seguridad y a laga cerca di 120 morto.

“Tribunal a pidi na studiantenan pa bay scol back y tambe a pidi na nan tutor pa bisa nan yiu bay scol back,” Haque a sigura, un peticion realisa tambe pa fiscal general, Amin Uddin.

“Cu e veredicto aki a cumpli cu tur demanda di studiantenan, cu mester bay scol back.”

Studiantenan a señala cu di manera inicial, nan no ta bay stop e protestanan tanten e decision di tribunal lo ser refleha den hechonan.

Protestanan grandi tabata tumando luga na Bangladesh cu a scala na violencia mortal siman pasa, cu enfrentamento entre

studiantenan, partidarioman di Gobierno y polisnan arma, cu opositornan ta considera como discriminatorio.

Varios hende a muri y centenares a resulta herido den un jornada violento, den cual Polis Antidisturbio a usa gas lagrimogeno y balanan di goma contra participantenan y e multitud di manifestante arma cu palonan cu tabata riba caya y na universidadnan di e capital Dacca y otro ciudadnan.

E cadena di television estatal Bangladesh television (BTV) a stop di transmiti diabierna ultimo despues cu manifestantenan estudiantil presuntamente e cende cu candela su sede, segun medionan di comunicacion local, y manifestantenan a convoca un welga na tur e pais den un desafio importante pa Gobierno di e prome minister Sheikh Hasina.

A corta servicionan di telefonnan mobil y internet, a ordena a ciere di scolnan y universidadnan y a desplega forsanan di seguridad pa calma e disturbionan. Gruponan di derechonan humano tabata acusa autoridadnan di haci uso ilegal di forsa contra manifestantenan

Europa ta busca servicio militar obligatorio debi na menasa di un guerra mas amplio cu Rusia

(CNN) – Prome cu Rusia a lansa su invasion na gran escala na Ucrania, hopi pais, incluyendo Kyiv, tabata muestra indiferente na e posibilidad cu un guerra lo bin back na Europa. Mas di dos aña despues, otro cambio ta produciendo, algo antiguo, den relacion cu servicio militar obligatorio.

Varios pais Europeo a reintroduci of amplia e servicio militar obligatorio debi na menasa creciente di Moscu, como parti di un serie di politica destina na reforsa e defensa cu probablemente ta bay amplia ainda mas.

“Nos ta ripara cu kisas nos lo mester modifica nos forma di mobilisa pa e guerra y di produci material militar, asina

como recluta y train nos personal,” Robert Hamilton, hefe di investigacion di Instituto di Investigacion tocante Politica Exterior, cu tabata oficial di ehercito Mericano durante 30 aña, a sigura.

“Ta algo tragico cu na 2024 nos ta akinan, nos ta lidiando cu cuestion manera con mobilisa miyones di persona pa despues

nan lo ser lansa un guerra probable, pero akinan ta na unda Rusia a pone nos,” el a bisa.

E riesgonan di un guerra mayor na Europa a bin aumentando despues cu presidente di Rusia, Vladimir Putin “finalmente a busca un conflicto habri” na Ucrania, persiguiendo su obhetivo di “recrea un imperio Sovietico,” general Wesley Clark, ken a sirbi como Comandante Supremo Aliado di NATO a comenta.

Varios pais a suspende servicio militar obligatorio despues di Guerra Friu, pero varios nacion, a reintroduci back den ultimo añanan, esaki gran parti debi na menasa Ruso. No afilia na dje ta nifica multanan of incluso castigo di prison den algun paisnan.

Letonia ta e ultimo pais den implementa servicio militar obligatorio, e cual a ser reintroduci 1 di januari di e aña aki, despues di su eliminacion na 2006. Ciudadanonan hende homber ta bay registra den

siguiente 12 luna despues di haci 18 aña.

Na april, Noruega a presenta un plan na largo plaso cu casi ta bay duplica e presupuesto di defensa di e pais y ta bay agrega mas di 20.000 soldaat na forsa arma. E reclutamento na Noruega ta obligatorio y na 2015 a bira e prome miembro di aliansa defensivo di NATO ora ta recluta hende homber y hende muhe den igualdad di condicion.

E debatenan riba servicio militar obligatorio tambe a tuma luga na otro paisnan Europeo cu no ta exigie. Na Reino Uni, conservadornan a plantia e idea di servicio militar den un campaña electoral.

Debi cu servicio militar obligatorio ta sigui keda un topico impopular den algun paisnan, NATO tin dificultadnan pa cumpli cu un obhetivo nobo di tin 300.000 efectivo cla pa ser activa den un plaso di un luna y otro mey miyon mas disponibel den seis luna.

